





翁山詩外

卷之十

番禺 屈大均 撰

七言律 二

壽水部太翁

水部風流動禁闈  
衰衣持作老萊衣  
天將一老留東海  
國有孤臣在少微  
羽客羅浮來鳳子  
仙書林屋得龍威  
退朝清興多絲竹  
一一笙詩奏不違

歸宗寺

幽居最愛歸宗寺  
勝甲江西山水兼  
已有硯池邀逸少  
還餘醉石臥陶潛  
六朝煙霧含珠塔  
四壁風雷捲玉簾  
况是鸞溪春正煖  
飛花送酒舞前簷



送張子之山西

鞍馬無從返故園心隨春艸送王孫去從太嶽穿  
西嶽來自龍門出孟門散帶仙人姑射館題詩玉  
女洗頭盆秋淡待我中條曲共聽疎鐘與暮猿

燕臺秋日別繆天自之鴈門

燕臺秋色晚來多一片邊鴻拂雨過雙闕芙蓉開  
疊嶂九門榆柳落長河離人衣袂從軍淚小姑琵琶  
出塞歌况是黃雲千里蔽故園蕙艸總如何

燕中眺望

太行千里削芙蓉環繞漁陽紫翠重雪盡黃河吞  
碣石雲開北闕枕居庸鴻濛一氣通群帝寂寞

諸陵鎖萬松設險只教回紇笑薊門原不是堯封

黃河

黃河萬里貫長城勢落龍門太率傾一自鴻濛開  
大禹至今形勝壯神京中華事去因潼谷朔漠人  
歸爲柳管天意不憐司馬苦頻將風雨喪佳兵

謂孫公傳庭

望晉恭王園

襟帶河汾玉殿長一朝弓劍委秋霜將軍死戰哀  
寧武帝子生降恨晉陽馬首關山空落日城中歌  
吹罷清商悲風處處吹松柏誰到并州不斷腸

早發大同作



雞鳴人起大同城笳鼓淒淒出塞聲青塚風高貂  
不煖白河霜滑馬難行髡鉗昔日圖成事溝壑今  
朝欲殉名枉歷三關征戰地無絲一奮曼胡纓

陽方口

三關要害是陽方往日旌旗夾道旁寧武將軍能  
報國周公雲中壯士不勤王姜襄秦城北走陰山盡  
晉水東穿紫塞長踰馬臺前多返照行人悵望欲  
沾裳

章臺

年來無淚灑干戈遊戲章臺日日過喜與佳人馳  
寶馬愁將壯士挽天河五陵日落牛羊亂三輔秋

高鼓角多慷慨不知時命薄醉中梁父又悲歌

西來

西來天險自崑崙登嶽方知白帝尊豈有巨靈開  
太宰繇來神禹鑿龍門潼關戰後金湯盡蒲阪秋  
來殺氣昏愁絕兩河諸父老歲時空禮督師魂謂孫

谷白

率陰贈蘭生

愛爾秦雲似美人朝朝光映率山春青天盡是芙  
蓉削白首長爲玉女鄰永日一觴消世事平生雙  
劍結交親玉泉如酒吾將老不恨飄零折角巾

荆南歸興



牢落風塵一蒯緌荆南空上仲宣樓家貧豈是無  
長策親老那堪更遠遊巫峽啼猿驚旅夢洞庭飛  
雁引鄉愁英雄不是爲人子處處沙場作首丘

寄從兄賁士員外

萬里黃雲接楚天愁君匹馬戰場邊將歸故國無  
喬木欲住春山有杜鵑絕袂空傷慈母意采薇誰  
和寡兄篇金沙江水知難渡未得從亡入瘴煙

歸至江東東方丈爾止

今代文章在少微柴桑以後似君稀相逢洗藥青  
谿去正見銜魚白鳥飛爾向南朝作者舊予辭西  
嶽爲庭闈好將竹葉除華髮莫倚臺城送夕暉

南鎮

稽山形勝配朱天漢帝登壇肅豆籩玉笥宮藏神  
禹簡香爐峯拒祖龍鞭風雲有氣生潭日虎豹無  
聲立洞前十道河山勞作鎮更扶黃屋斗牛邊

逢日者周生賦

知子青囊有妙篇升沉一爲決皇天莊生未試屠  
龍技蔡澤猶遲躍馬年湖上蟬聲催落照雨中艸  
色染輕煙離情直與長江水送至梅花大庾邊

何仙姑壇作

咫尺春岡接鳳臺朱明門戶井中開金精不使吳  
王得雲母難胎葛令來帝賜霞衣留洞府人傳玉



鳥在莓苔綠珠豔曲先南越爭似仙靈更有才  
少小長桑夢裏逢天花鍊就不乘龍飛過海上麻  
姑石化作雲邊玉女峰并有寒漿如太率岡餘紅  
雪似芙蓉鮑家尚爾婚勾漏仙李多情笑彼穠

榴花村弔宋義士熊將軍飛

東官自是英雄地熊氏將軍首建威血濺單干邊  
艸濕魂隨少帝海天飛花溪陰雨聞金鼓玉嶠春  
風長蕨薇一片戰場當縣出至今人士重無衣  
書生此日思酣戰男子絲來舉大名不是將軍起  
銅柱誰令丞相文公天祥有金城十年縞素君王淚一  
片壺漿士女情血染榴花紅不盡溪流時作斷腸

聲

匹馬當關殺氣秋雷霆一戰復炎州功如東莞何公

真難封伯節似增城張公家玉未贈侯碧甲水名潮來驚

日月黃旗山名雲起接羅浮同時亦有將軍許名之鑑

白首橫戈涕泗流

恭謁三大忠祠祠在廣州南園國初五先生嘗作詩社其中

宋代江山今已非海門陰雨見龍旂中華此度君  
臣盡萬國何年玉帛歸地有三公為嶽瀆天餘一  
客在芝薇南園俎豆凄凉甚欲識忠魂是落暉  
祠堂寂寞越城邊一片風吹綠艸煙詞客舊多亾  
國恨騷人今有禮魂篇將軍張公世傑力向天風盡丞



相陸公秀夫心為海日懸羨絕當年孫典籍典籍名貴

為五先太平先在聖人前生之一

春日登粵王臺作

朝漢而今事未非蒲桃宮錦奉恩暉書生有策除  
黃屋帝子無心出絳衣春色早將兵氣散南天先  
見翠華飛臺邊一路通京闕肯使雲山尚采薇

壽前刺史彭君

朝漢臺臨百粵雄蒼茫秋色似雲中紅旗晚閃三  
城日畫角寒吹萬馬風太守聲華高武庫將軍禮  
數起文翁鏡歌為爾千金壽醉倒天南紫菊叢

送人之塞上

翩翩裘馬走盧奴臥遍燕姬春酒壚射獵不須留  
白羽關山一任塞飛狐扮榆豈必江南好鴻鵠繇  
來壘上無雨雪霏霏憐歲暮英雄淚盡紫駝酥

送任給諫

婁江為政本神明畫省封章復有聲北愛金河霜  
易肅南愁珠浦水難清鸞皇好作天喉舌蘭芷無  
忘客姓名惜別樽前多慷慨紫駟嘶斷五僊城

贈張子新婚

增城侯張公家王之弟也公無子須弟之子為嗣故未向及之

增城往日建功勳一片丹心照塞雲有弟共麾銅  
馬戰生兒同隸羽林軍鶴鴿原上今憑子翡翠樓  
中正遇君珍重將雛歌一曲異時茅土待重分



陽春道中

參差石笋挿天長翠壁丹崖映夕陽雨過白雲如  
瀑布春來西水沒魚梁人家多養珊瑚鳥市口惟  
聞茉莉香白口能歌徭女好風流不似野鴛鴦

和劉六茹登華

天邊雙率鬱嵯峨萬仞丹梯掛女蘿太乙池中浮  
皎月仙人掌上瀉黃河心悲角里芝華少淚洒宗  
周麥秀多席卷三秦非此日留侯畫策已蹉跎  
浩蕩松聲滿太虛凌峰一把羽人裾軒轅臺迴風  
飄笛玉女牕寒露滴書秦地山河明月在漢家宮  
闕白雲餘蘇耽未肯乘鸞鶴有母衡陽日倚閭

墨台

九世商侯是墨台盟津肯爲武王來千秋書弒堪  
爲法一代無臣正可哀灤水風悲孤竹里首陽雲  
掩采薇臺黃農虞夏歸無處多事天生十亂才

范蠡

浮海鷗尸一棹多飄然應自老煙波身全豈合爲  
齊相貲累將無愧越娥子死千金當市井師遺一  
策是巖阿會稽山下餘湯沐士女猶傳采葛歌

豫讓

豫子元非刺客人青笄亦復識天倫襄君未肯誅  
塗廁國士繇來重漆身三躍自應教出血二心端



欲愧爲臣悲風亂激汾橋水長使行人淚滿巾

信陵君

巨門一自請侯嬴功業頻垂蓋代名六國兵歸公  
子將諸侯客向信陵傾秦來早有河溝患漢過難  
忘俎豆情毛薛復能令救魏始知賢士貴逢迎  
函關西逐虎狼驚反間頻教事不成六國安危公  
子在三年荒宴大梁傾難忘晉鄙猶多客未斬蒙  
騫更進兵合從自能存社稷不須賢佐得阿衡

虞卿

躡屩邯鄲路未迷頻捐萬戶去栖栖知人未得逢  
無忌急士終難救魏齊窮有春秋猶可見愁因公  
子不須啼艱難空使侯嬴惜白首無歸肯向西

聶政

鼓刀難隱姓名淡車騎何來知己心仲子殷勤能  
具酒夫人麤糲敢辭金直誅韓相驚雄劍不使秦  
王待雅琴有姊悲哀頻殉義豈須皮面向刀砧

魯仲連

先生玉貌豈求人一笑全周四十春飛兔只應向  
東海貪狼那肯帝西秦三公不易惟貧賤百世堪  
師是隱淪此日鮑焦方抱木非時難保白雲身  
名駒千里不能干徐劫難將弟子看不使田巴談  
稷下非關無忌救邯鄲山東一一知高節海上翩



翻有釣竿俶儻只今思畫策布衣未信立功難

### 伍子胥

簫聲淒苦入吳來隱忍能成報怨才縣目鯨門觀  
寇入爲濤江上盪城開越人白馬何勞祭范子鴟  
尾亦可哀入郢便應頻解印姑胥那忍更遲廻

### 燕昭王

燕昭信是霸王才得士望諸自魏來故鼎遂能歸  
磨室黃金不枉築寧臺七雄獨爾爲宗國一戰還  
堪振有郤誰肯千金克駿骨功名真自郭生開  
君臣甘苦總相同二十餘年旦暮中湯武仁聲雖  
未洽春秋義戰此爲雄王前久已無師友天定那  
能善始終三代至今人物少樂君真有臥龍風

### 趙武靈王

夢裏琴聲得孟姚英雄此劫恨難消美人一入吳  
娃館公子頻從主父朝西上黃華河活活北窮大  
漠艸蕭蕭雲中有路堪南襲長使秦人氣不驕  
四戰功高屢致兵河西攘地出長城招來騎射三  
胡畏馳入咸關六國驚上帝若能憐簡子美人何  
得與娃羸英雄自作沙丘禍霸業傷心竟不成

### 荆軻

當年神勇是荆卿市上悲歌最有情豈必英雄工  
劍術未應生劫待琴聲從容不俟蘭池客慷慨空



借豎子行枉使秋風吹易水白冠相送淚沾纓

藺相如

鼓瑟邯鄲最有名秦王亦爲奏秦聲九賓未禮陰  
懷璧五步何勞盛設兵御史直書真勇氣將軍多  
讓豈私情雌雄不滯誰能似心折風流是長卿

宋武帝

司馬本爲神漢賊寄奴真是楚元孫中興自可爲  
昭烈薄伐曾經至太原九世深讎雖已復千年正  
統未能存劉何倘識春秋義應向君王拜手言

呂不韋

休言仲父更何親自是西皇太上身陽翟千金方

返楚邯鄲一女已亾秦春秋有作歸商賈賓客相  
將盜聖人風俗至今倡樂盛史公何忍記桐輪

李廣

秋風吹老北平城飛將增人慷慨情長臂雙如猿  
有勢大黃一發虎無聲隴西風節羞降敵武帝恩  
私悔請行一石自從淡飲羽至今鵬鷲過猶驚

和人謁昭烈惠陵

永安宮裏悔征吳國賊繇來是赤烏三國新書尊  
季漢千秋正朔在成都園陵寂莫珠丘似弓劍淒  
涼玉壘孤自古重華多野死錦江流恨亦蒼梧

和臥龍岡



星落頻驚五丈原天心豈欲漢猶存伏龍一識三分帝雄雉重飛九世孫遂使中原歸蜀國長留正統在夔門平岡咫尺傳高臥楓葉離離滿淚痕

和人岳王墓

鄂王墳上哭南朝聲落錢唐作暮潮鷓鴣革有膏成碧玉蜀鏤無氣上丹青枯楸亦向黃龍指風雨難將白馬招今日卻思和議好沙場不恨失嫖姚

和人巫峽中望十二峰之作

十二峰橫彩翠長含情不忍上高唐朝雲終古疑神女暮雨何年惑楚王南國荒淫多夢寐騷人諷諫有辭章蘭蓀亦愛風流地莖葉青青不斷香

和人河西開府新移肅藩廢邸之作

河西幕府朔方開節鉞新移肅邸來木葉聲悲兜勒曲穹閭氣暗赫連臺諸王河間多爲善一代淮南更有才最是雲中雞犬好不驚鳴鏑向龍堆

和友人朝天宮之作

冶城宮殿舊朝天劍佩千官肅几筵自舉玉衣當九廟人疑銀海在三泉駒駉臥處邊雲滿苜蓿開時戰血鮮雷雨不容酥酪奠神靈咫尺寢園邊

和李生與客上廬山之作

三疊泉門是玉川開當大月翠微邊老人五作奇峰立居士雙從醉石眠污地枯黃香滿帚穿苔竹



笋小成鞭樓窓面面吞彭蠡嘯落天風萬壑傳

綠珠井

懊儂曾照井泉清一代紅顏水底明絲布正愁穿  
指澁花裙頻使墜樓輕颯風枉作房中老王氏虛  
為糞上英白首同歸有才子當時金谷總多情  
寒泉終古白粼粼飲水能令出麗人梁女自歸金  
谷日蠻花都讓綠蘿村名綠珠所居春長為石氏千秋事  
未死真珠十斛身吹笛當時多弟子有誰相殉落  
花塵

江上逢鄭翰林因聯舟同上端州賦贈

紫洞江干邂逅時蘭橈相逐去遲遲空天忽接高

鴻影光露初含蔓草姿烏鳥終懷南海日鸞皇頻

別未央枝從來太史多風雅肯向鄉邦采楚辭時翰

林以終養乞歸

江頭忽作連枝會家兄修古與翰林弟同在舟中兩兩舟中有鴈

行藉地正憐春艸軟揚帆更喜海風長康成羽翼

先三始南屈淵流復九章西溯牂牁連日夕嘉魚

寄酒待同嘗

舟經金利作

金利墟邊首夏時家家蠻布有蕉絲木棉花盡猶  
無葉榕樹根多復作枝西水正愁雙峽急東風莫  
使片帆遲鷓鴣本是催歸鳥啼遍春山人未知



入端溪

臥入春溪萬樹煙  
峽門一半掩雲邊  
水簾影落鈴羊亂  
山黛光含石婦妍  
夫有望笳咽天風悲  
處處馬肥江艸恨  
年年黃魚大上無人見  
漁父滄浪去渺然

斑竹

斑竹枝枝拂暮煙  
無情亦自淚痕鮮  
美人渺渺江雲外  
亾國萋萋野艸邊  
髻散不須悲墮馬  
魂歸猶可化啼鵲  
東風莫卷飛花片  
留與愁人伴醉眠

黃泉

黃泉霑灑淚紛紛  
莞水榆林兩細君  
飛去無情雙

入月歸來有夢一行雲  
西天香藥神仙奪南海  
璫珠娣姒分幸有懷中孩  
笑物釋魂相伴在孤墳

贈前端州張君

太守崧臺振玉珂  
端江一道滿恩波  
清涼尚有棠陰在  
遺佚其如柳下何  
楚霧沾濡愁日少  
秦風慷慨感秋多  
哲兄勳業河西盛  
歸聽甘州啖紫駝

魏少府自惠陽移攝端州贈之

豐湖在惠州絕似鏡湖在山陰魏家在其上  
開秀色全當郡閣

來露冕未曾經象嶺在惠州魏至惠州  
冰壺又復

向崧臺在端州股肱南越難高臥  
膏潤炎天易見才

廉似孟嘗誰不羨  
端溪今亦有珠胎



登閱江樓有感

崧臺百尺俯滄波上有飛樓複道多萬嶂高從窻  
口出千帆低向檻前過山川此日無銅界城闕當  
年滿玉珂西望蒼梧煙雨暗重華有淚在牂牁  
四樓合作一樓開勢截牂牁萬里來萬歲樹存惟  
桂樹千秋臺起是崧臺來朝玉輦黃龍出去逐金  
笳白馬哀御氣至今三峽在七星員屋卽蓬萊子戊

冬臘有龍  
出端江中

友人見惠端州錦石俾為棊臺之用賦答

相貽片石自羚羊四尺裁同鳳唳琴名長作案真宜

青玉好為屏不用錦雲張清音易取空如水素手

難留凍似霜去歲猪肝純紫研一齊珍重在書牀

七星巖作

乳竇玲瓏處處開空中無日不生雷七峰婉轉如

珠斗一水浮沉有玉杯風雨東西分洞出雲霞日

夕滿城來華不愛向湖中注鼓棹教人日溯洄

片片

片片漁帆帶夕陽暮來無處不鳴榔江心一道潮

痕白山外千重雨氣黃荃裕新披猶覺冷鱗魚多

食不聞香荔枝四月催教熟多謝蟬聲為我長

江上新晴有作

青山雨過片雲餘水氣空濛望若虛峰似亂流爭



出峽地當西潦半成渠荔枝多釀春州蜜榕子初  
肥滙口魚白鷺心閒真愧汝經營端爲古人書

題束江亭

羚羊峽口萬峰屯轟轟山亭勢並尊鳥道平來宜  
百丈泮江砥去亦三門泉聲處處如啼鳥竹影枝  
枝有墜猿古寺無人長寂歷石頭清坐欲忘言

靈山寺作

野寺何年闢翠微松門隱映在煙霏聲搖三峽雙  
鐘度勢截千峰一塔飛水長魚花隨電出山寒兔  
子得霜肥鳴鷄夜半催潮上漁父相將一棹歸

十二

十二峰巒望不分美人終古夢氤氳飛歸不復同  
青鳥化去繇來是片雲天上玉棺頻自舉人間瑤  
瑟更誰聞哀蟬落葉年年思涕淚徒霑蛺蝶裙

喜族兄修古遠歸

幽燕爲客及秋還門對鵝潭有故山黃髮正愁諸  
從少白衣猶得一人閒書成士女師鸞勢酒熟仙  
靈與玉顏自此鄉園休更別荆花一樹日同攀

膝下文章雉子分白鷺潭上寫鴛羣東西水作雙  
飛瀑大小山成一白雲楚國王孫多隄側靈洲佳  
氣未氤氳離騷不忍言家學淚洒湘纍杜若薰

歸舟賦贈柴子



風信東邊見破篷移舟淡入蓼花叢雷聲隱隱黃  
霞外日色沉沉白雨中山水有情娛我老詩書無  
術救人窮疎狂莫作諸侯客鸚鵡才高命或同

雨後

雨後江潮鼓大波黃花魚比白花多曾門故截溪  
橋出漁艇時穿海市過灘灘已知無食好鷓鴣其  
奈不歸何離枝漸熟休狼籍釀酒持將養太和

望端州郡樓有賦

郡治樓同五鳳樓當年玉輦此南遊無情太率空  
成冢有恨金沙不覆舟天上龍髯那可拾日中烏  
羽詎多留遺臣忍死存溝壑淚洒風煙一片秋

康州江上作

維舟一薦白蘋香陸賈祠宮在晉康錦石山開三  
峽峻苴蘭水落九江長湘分大小黃魚好巖辯東  
西紫研良最羨寒蟬飲風露家家人有綠天涼

稚子

身並琴牀漸欲高摩挲鬢子愛蒲桃鬢名花籃香滿  
鮮龍眼繡襖寒生小鳳毛大憤只須逢帝子多金  
何必與兒曹葩經上口關雎熟客至憑渠勸濁醪

偶得一雌白兔有賦

斝斝一兔自東西欲舐雄毫不得齊火伴誰知木  
蘭女故人應念竇玄妻瑤光易得星精散金色難



從月魄栖赤眼迷離休亂顧淡憑擣藥就刀圭  
雄去其如撲朔何傷心東郭獨離羅爲丹自可來  
神女出月誰教別素娥食向兒童蕉葉嫩棲當簾  
幙桂華多蝦蟇共作高堂藥白玉拌香養太和

送人自楚之蜀

江帆此去莫霑裳蘭杜多情爲爾香神女風流滿  
巫峽騷人湯沐在瀟湘東西漢水巴陵大朝暮猿  
聲白帝長辭賦最宜秋氣早不妨哀怨盡清商

弔雪菴和上

一葉離騷酒一杯灘聲空助故臣哀金川自逐魚  
衣去玉殿誰教燕子來一姓終懷亾國恨三仁難

得遜荒才君臣淚滴袈裟溼悵望臺城日幾回

送人自歸州入蜀

空舫最險復兵書白狗黃牛盡不如二峽已愁朝  
暮上三巴惟見水雲餘哀猿生長悲秋地落木飄  
蕭入蜀初多作竹枝供起汕西陵春暖正多魚

綠牡丹

絕代名葩雒下無香分螺黛十眉圖花中不辯來  
么鳳葉底多疑是綠珠羅袖淺將苔色染玉盤寒  
愛露華濡姚黃莫卽愁爲裏青帝恩光此獨殊

孝婦吟

婦歐氏爲趙枯一妻兩  
割股以愈其姑與父疾

凝脂兩度血花開持作羹湯各滿杯阿父豈須嘗



藥去慈姑頻見返魂來迎刀片片何曾痛上箸絲  
絲未忍催仁孝只今餘趙婦誰操彤管不含哀

涿州

君臣此地得相從王氣初盤涿鹿重籜作長冠驚  
赤帝桑如樓子兆飛龍漢家終始惟南鄭天胄神  
明是大宗誰使高光還血食更憐諸葛最溫恭

和人途次永平之作

日暮盧龍暫解鞍霜風最苦北平寒重關自古分  
遼薊二水從茲合漆灤孤竹千家當市口虎頭一  
石在城端重魚味美羊酥嫩醉聽邊歌至夜闌

出魚重脣土人名曰重魚

阮亭歲暮懷人詩有曰姚生莊子結屋羅浮頂

小陸卿平分古洞天欲覓屈師訪仙跡梅銷

嶺上隔風煙屈師謂予也其注亦云翁上人

舊隱羅浮

羅浮舊隱海雲東姚陸墳悲宿艸空樵悴依然為

屈子逍遙不復作支公沉冥竹葉愁終遣湯沐梅

花命或同謂梅銷封臺侯歲暮有懷勞學士何時

注籍洞天中

南流為汨北為羅離別其如二水何山鬼但知篁

竹美湯師偏見碧雲多難言風雅歸蠻越亦有江

山似屈沱三峽羨君頻上下巴人傳遍竹枝歌



和栢林弔古

斜陽繫馬栢林松  
酌酒當年獨眼龍  
國建沙陀功最大  
年稱天祐禮還恭  
復唐豈可欺天下  
繼統何曾出大宗  
此日諸侯誰賜姓  
故應龜鑑守藩封

梅花嶺

墓林猶見陣雲屯  
丞相衣冠尺土尊  
自喪興平無將帥  
難歸白下哭陵園  
江都竟作鴻溝界  
梅嶺何殊百丈原  
痛絕寧南頻嘔血  
晉陽戈甲豈王敦

賦寄富平李子

河舉高居早有名  
鶴書頻使羽毛輕  
三秦豪傑哀王猛  
一代詩歌恨少卿  
絕塞雖將黃鵠返  
空山無

復白雲迎鴛湖朱十  
嗟同汝未嫁堂前已日成

故人

故人鸞鶴枉同群  
不作明妃只魏君  
豈有襄王真好色  
繇來神女愛行雲  
刀環婉轉何須贈  
隴水流離早已分  
一夕綢繆悲嫁畢  
灤灤零露滿羅裙

謂勺庭處士

設悅

設悅佳辰事已終  
年年七日淚含風  
香奩白福餘人勝  
綵縷千條是漢宮  
暮作啼烏棲不煖  
朝為行雨夢還空  
泉臺定識相如苦  
溝水東西有日同

蓮葉



東西南北總田田未作芙蓉已可憐魚戲不驚珠  
亂瀉人擎最愛月多圓湘纍水屋香誰似越女羅  
裙色未鮮玉漱金塘無闕處花開一一故相穿

憶與田李二君秋日讌集雁門有作

榆中欲往且迴鞭令節飛觴向朔天黃菊未開重  
九後清霜已落季秋前紛紛翠袖箏琵琶咽一一金  
盤雉兔鮮兩載邊關多樂事雄文獨未勒燕然

滹洲

滹洲一塔矗空冥木黍陰陰上翠屏上渡潮聲迎  
下渡北亭帆影落南亭林光曉帶人煙白艸色秋  
含鬼火青偽漢園陵誰躑躅牛羊不使墓門扃

自菱塘上珠江作

雙飛玉塔截東流勢落扶胥控虎頭地有三門當  
大海人無一劍起炎洲樓船縹緲鰲身映宮闕虛  
無蜃氣浮自古亡諸能助漢固知遺烈在東甌

東臯別業舊址是陳文忠公遊衍之地

漁艇猶穿玉帶橋名迴花灣不見錦袍灣名開鴟夷有

恨三江湧杜宇無歸百鳥哀菰葉湖名舊通浮嶽井

蒲香今失鶴舒臺雲淙亦是圍棋墅一代風流總

艸萊公有雲淙別業在白雲山上

望黃布諸村

夾岼炊煙起夕林離枝紅映白雲淡帆檣渺渺長



空影雞犬寥寥太古音雨勢東飛隨白鷺月華西  
上待青棊蟬聲何處含風露夜夜淒清最有心

日月二泉井

在廣州城中

月泉西出日泉東日月光生二井中南海波潮從  
口上朱明門戶與心通朝含真氣知天一夕有清  
光似碧空汲取寒華供茗飲仙人美祿此無窮

荅張桐君見題三閭書院之作

書院在廣州城南

桐君何事別桐廬來問羅浮桂父居豈有仙人還  
好劍繇來高士不知書青樽但使秋常滿白髮從  
教日已疎身是湘纍憔悴種忍將詞賦送居諸  
珠江水似洞庭波屈氏江邊亦有沱楚國王孫三

戶少騷人弟子二京多微詞易託惟香艸白首難

要是翠蛾知命不嫌歸漢晚同君飲酒莫蹉跎

新作籜冠有賦

秋風吹汝籜今飛拾向空林尚未稀漢氏我我冠  
製在湘靈點點淚痕非堅貞更有龍鍾節蕭爽偏  
宜鳳葛衣五嶽真形當面面簪來隨意白雲歸

賦為邵丈壽

朱公豈必定居陶貨殖無如涉海濤澳口天開濠

鏡

澳名小番船山湧荷蘭

外國名

高老人玉角龍雙尺

令子金華

邵金華人

鳳一毛丹荔正多長命物綏山不

待取仙桃



燭花

心華朶朶出空中水火絲來一本同  
菖菡雙頭香未發珊瑚一歲色先紅  
頰將蠟炬為仙種多注蘭膏作化工  
留得春光到天曉簾垂面面不通風

送張秋官往遊容縣

西上容江片席開正逢西水自滇來  
河山有恨頻題賦風雨無心亦告哀  
劍在忍言亾國物琴餘且盡故人杯  
艱難此去因家食陶令還能愛爾才  
五十商瞿子亦遲宜男且復種軒墀  
無成未愧尸養母有道還尋鍊藥師  
中路黔陽辭主日故人都嶠罷官時  
扁舟此去多驚喜兩鬢相看總已絲

登岱

盤盤石磴上高雲白練吳閶望不分  
尺寸便為天下雨虛無總是岱宗雲  
西皇輦路諸峰在東帝鐘聲萬壑聞  
四嶽惟茲南面立固知太皞是元君

惟泰山南面

鴻濛一氣自天孫日月雙觀各有門  
萬物盡從青帝出諸峰都讓丈人尊  
松間風雨秦時響石上煙蘿漢代痕  
最是白雲多變怪誰從觸石見真源

魯宮

兗州聞有魯王宮未毀靈光與漢同  
可作東周惟曲阜自來宗國是龜蒙  
龍興定在□高皇後日出



嘗瞻大海東碧瓦雕甍勞父老年年淚灑燕泥中  
玉殿猶存泗水旁何人海外尚從亾難教會稽還  
尊魯未信沙陀肯立唐詩在諸侯偏有頌史書正  
月獨知王波臣有意存遺腹會見朝宗是少康

武侯故里

在沂州

蕭條故里在沂城再造人高一代名漢有興王名  
士出天因討賊伏龍生錦官虎據三分小羽扇薦  
揚六出輕忠孝最光綿竹戰宗臣真不墜家聲

銀山

銀山拔地亦三峯鐵壁橫天定萬重盜賊只能資  
大漠貂璫那得與居庸淒涼九塞風煙在咫尺諸  
陵紫翠封雲似牛羊秋更起笳吹不散滿芙蓉

贈鄭山人入匡廬

九疊雲屏一玉筇天風吹汝上芙蓉三梁幾處成  
三石五老何年化五峰雨勢將殘猶落葉泉聲不  
斷亦聞鐘湖光盡入含鄱口月出偏宜紫翠重

夜宿廣州北郊作

枯風一接夢魂清夜久流泉漸有聲落葉飄蕭如  
逐客疎鐘咫尺是寒城身依豺虎因多難地入魚  
羊爲少兵古道呼鑿人不到青燐相照到天明

石灘舟中眺望

東樵西望是南樵四面芙蓉海上標蜃氣春晴多



作市雞聲夜靜始催潮離支十里雲嘗暖瀑布三  
秋雪不消紅翠相迎過洞口尋仙且繫木蘭橈

### 枯柏

枯柏平生耐歲寒身存不敢怨艱難斑衣楚國師  
萊子皂帽遼東學幼安孔雀珠毛憂雨濕梅花玉  
骨畏霜殘枝枝不少籠葱竹更向羅浮采釣竿

### 從端州采研歸有作

風帆朝別七星岡路自羴羊向五羊二水合爲三  
水大西江流比北江長木棉樹樹如烽火山雉飛  
飛過石梁采得紫雲東洞石歸來書案有輝光  
萬里江飛匹練過小湘大路峽名峽嗟峨煙波蛋女

鳴榔少風俗龍鬚織席多翡翠墟邊叢水帶芭蕉

林外盡山螺歸舟此度歡無極采得青花自爛柯

水巖石以有  
小青花爲美

### 學士泉

在廣州大  
北門外

學士泉清勝十泉

廣州城內  
外有十泉

氤氳微帶越山煙真

茶潑去蘭香發活火烹來雪色鮮天一真精成玉

液朱明靈氣出花田凌朝素縷思親汲汲取寒華

作酒先

### 烹茶

故人天外意難忘佳茗殷勤遠寄將廟後已多秋  
界好潛谿還有紫霞香雙泉適自空林出一勺長



含素月光日夕著書飢渴甚斃杯擎處愛清涼

贈王將軍

父子天南兩伏波自娛不復有臣佗三軍禮樂師  
儒將一代詩書讓雅歌武庫橫開臨碧海文昌高  
坐逼銀河康侯介福因王母蕃庶從今錫馬多  
舊著龍山大獵篇名高十八冠軍年諸侯兵法歸  
公子兩世彤弓得象賢仁孝已堪圖漢閣安閒自  
可定蠻天卑躬况復求巖穴飛兔行應受玉鞭  
文謨武烈早非常秀出瑯琊大道王雙植金標為  
彩筆七腰銀艾到炎方遺書雅欲傳先哲絕學還  
思啓大荒元凱春秋多羽翼為予裁定使成章

端州道中望峽口積雪

漲海衝寒片席斜驚看積素亂朝霞西風不為頻  
飛葉南雪何因亦作花欲曙羚羊疑落月初晴鬱  
水失平沙炎方天氣年來異梅蕊那能當物華  
西上牂柯盡翠屏峰迴不見峽門青初飛員屋山名  
卽七星岩多蠻雪新聚牽牛有客星用士燮事時制府賓客頗盛故云  
白鷺暖交橫浦口嘉魚寒出大湘亭仙郎競有陽  
春曲聲共漁歌入杳冥

瀝湖舟泛

峯勢盤迴北斗同瀝湖應與絳河通蘭橈曲曲穿  
巖口石乳泠泠滴鏡中鴈影尚畱炎海雪鶯聲不



待落梅風芙蓉只解窺漁父蒼翠沾衣影似空

玉屏峰頂看梅

峰峰雪洗玉屏新一樹梅花未見人疎影忽生明月夜寒香先作白雲春盤盤風磴虛無外落落煙松太古身紅翠咏開千萬朶冰姿未落已成塵

呈韓憲副

牂牁一柱是裕臺文武聲華憲府開燕喜每期張仲飲干旄先下彼姝來羚羊東駐韓雍迹錦石西封陸賈才更爲南交持雅頌縱橫玉尺奮高裁

韓觀察席上次韻贈吳湖州

翩翩旌節嶺西年賓客同臨五嶺煙雪苑枚乘推

祭酒蘭臺平子正歸田三江暖愛初晴日雙峽寒驚欲雪天蝴蝶文章君自足休論孔雀有金錢

漢關

漢關南望淚痕滋大小琵琶撥盡時天子何須降黃鵠單于只解愛闕氏心同青艸千年在夢與香溪萬里期長使山川少顏色明妃生處有餘悲黃雲不逐錦車還望絕天南有漢關青塚易成蘭麝土紫臺難作苧蘿山空將春色歸龍塞豈有長城在玉顏才似少卿人更恨相逢無計與刀環

早春讌集三閩書院卽事

甲子

海岸猶餘積雪光春寒絕不似炎方鶯聲亦有江



南好梅藥從無塞北香五柳春秋空甲子三閭歌  
舞是東皇嘉辰宴會良難得且共銜杯到夕陽

荅洪丈藥倩過飲之作

白首天心恨見遲空逢甲子上元時愁當陰雨開  
紅酒喜得靈光共玉卮士馬只今無島嶼春秋那  
得有華夷羊裘莫厭霜華濕會見春光滿樹枝

和人北固山下作

垂竿四十九鱸魚北固山前我不如花艸無情先  
白下江山有恨首南徐金焦浩渺空天險龍虎盤  
迴豈帝居最苦流鶯催淚易聲聲都是六朝餘

荅祁七苞孫

山陰祁氏有遺忠二六聲名與父同羝乳恨伊棲  
雪窖鳳毛餘爾在煙空耶溪水淺難垂釣射的山  
高且挂弓詞賦最能銷壯志未應花萼作文雄

敏公彪佳行六仲子班孫最知名亦  
行六班孫以事成遼東故有第三句

諸父高風我所師名齊驃騎幾人知忠良子姓難  
無忝少小英雄易有時水愛苧蘿能雪恥山憐空  
石解銜悲蘭亭往日同修禊觴詠而今更有誰

謂祁七之叔父四先生駿佳  
五先生豸佳七先生熊佳也

鏡湖佳在鏡湖橋蘭棹維時奏玉簫東市雖然琴  
散絕西秦尚未筑聲消能逢句踐方君子莫弔湘  
纍只大招慷慨肯教生白髮銜杯且趁落花朝



魏錢二君事

寓山山上最高樓兄弟頻教劍鳥留不共遠東爲  
白鶴幾從函谷作青牛相逢雛鳳慚耆舊獨似先  
臣愛遠遊珠玉荷君頻見贈淚行重向錦箋流

珠江春泛作

珠水煙波接海長春潮微帶落霞光黃魚日作三  
江雨白鷺天畱一片霜洲愛琵琶風外語沙憐菜  
莉月中香斑枝况復紅無數一棹依依此夕陽

洲在珠江之東菜莉沙在珠江之西

至西寧下城峒奉訪麗卯君五丈

老向瀧西一角中畚田數畝自先臣香杭亦用青

楓染玉饌惟將錦鯉陳花以無名長在樹禽因有

喜屢催人雞藤一一皆靈壽杖到天邊總是春

人每遇三月上已輒以楓葉搗汁蒸香梗爲飯色黑而香亦青精飯之遺也西寧水口多錦鯉其身圓如葵葉亦曰葵鯉肉細而甘又有雞藤香可爲杖

悼馬

與爾蒼梧數潰圍艱難得逐大軍歸金瘡乍合頻  
思戰畫角才吹便欲飛三歲龍駒方早壯兩年香  
稻亦偏肥無端一蹶驍騰失淚滴空鞍葬落暉

平湖逢馬培原給諫時給諫被沙門服

平湖雨過白鷗飛有客扁舟薄暮歸明月漸圓居  
士法天花猶著比丘衣湘纍夢寐通瑤圃梅福封



章隔紫微去國離家予亦久相逢蕭寺淚同揮

送孟宮諭

官諭朝從鳳閣來聲華先滿越王臺斑駁復作炎  
荒客鴻鵠元稱羽翼才風雨羅浮離復合晴明花  
葉落還開心隨潮水殷勤甚送到禺陽不忍迴

贈番禺明府

羅浮西麓是番禺山勢雙蟠接海珠仙令至今來  
葛氏人家自昔在蘭湖持將瀑布爲膏澤更有離  
支入畫圖重與炎洲添勝迹沉香不使浦中無

崇龜爲廣州守親舊干  
謂名但作荔支圖與之

菊

天畱一本是純黃吐蘂偏宜十月霜滋味總因秋  
後苦芬馨全以臙前香憐生石上無肥土恨種墻  
陰少太陽白髮孀慈勤灌溉明年重九待浮觴  
歲歲遲開苦積陰重陽不得逐登臨幽人豈可無  
甘節芳艸絲來有本心老向炎天嫌雪少寒成佳  
色喜霜深東籬人去誰能采汎酌秋英更鼓琴  
無多花蘂在籬東不食愁將苦蕙同朶朶霜乾猶  
抱蒂枝枝露濕已當叢秋來栗里多佳日歲晏陶  
公有素風天爲忘憂生此物摘來休使酒樽空  
南村未有素心賢閉戶惟將醉石眠孤影甚思名  
酒勸白頭微得好花憐餐英一一兼寒葉飲露依



依似暮蟬香入簞瓢霜氣早清齋不必露葵鮮  
幾本蕭疎出艸間清霜染得淚痕斑猶嫌太白同  
衰鬢且喜微紅上老顏尺寸培根終歲苦東西乞  
種一身閒乾來作枕圖明目細作真書寫小山  
衰年服餌最相宜甘苦惟應薏苡知無酒易過重  
九日有花難及肅霜時香薰百艸誰能似根浸三  
泉更不移長與青青沆澧者春蘭終古一相思  
二九人人望節花那知真菊未英華白衣自愛陶  
公酒秋色誰爭處士家葉葉煎成油餅大枝枝壓  
得籜冠斜陰威最喜佳名好餐服功多勝海霞  
霜姿偏向歲寒新早識秋榮絕勝春三秀喜非秦  
英解與鄰衰露不辭懷袖濕仙靈教我納朱唇

芭蕉

代物九華疑是晉時人山妻麗艸能爲頌野老金  
孤心只在葉中央一夕抽開二尺長不雨寒聲猶  
滴瀝無風疎影已清涼全遮北郭芙蓉館半拂東  
鄰薜荔墻結就香牙甘美甚霜時割得一梳黃

菜

瓜蔓初除菜甲香花邊小作數畦長丈人筋力惟  
提甕稚子饑寒可代糧陰愛綠葵含夕日寒憐白  
蕤負秋霜山妻旨蓄惟蒲笋笑共彫胡進北堂  
菘芥初生摘未稀窺園不及下書幃能知歲月惟



青艸解讀春秋有白衣子母三冬瓜蒂苦君臣一  
代蕨花肥桔槔亦是忘機者引得流泉下翠微  
園蔬自種向西疇食肉無心作虎頭都尉牛羊終  
見辱野人葵藿未忘憂胡蔥大葉穿沙早越薤長  
莖出水秋未作老農先老圃荷鋤長得在羅浮  
戶外開畦傍水雲兒童灌沃一筒分斷葱日日勞  
滂母挑菜朝朝泣范君葵葉滑甘雙箸下芥薑香  
辣四鄰聞明年春日春盤獻更有蘭芝吐紫芬  
池塘風靜水微波野客朝朝負汲過菡萏東西花  
葉滿茨菰十二子孫多團團芋菜包青鯉曲曲藤  
枝趕白鷺更向浮田親摘菜不辭寒雨濕漁蓑

老向丘園道未非一生精力在芝薇兩收香稻燒  
畝熟三翦青葱壅土肥引水花邊聲細細畱雲樹  
底影微微新蔬亦可充甘旨繡佛堂前未敢違  
黃桑白柘繞蓬廬每恨場師我不如微菜春烹惟  
瓠葉小鮮秋薦但鱸魚牛羊影亂天將暝蟋蟀聲  
寒歲欲除閒學憲王圖本草贈人還有種葱書

南海廟作

金銀宮闕映朝暎火帝南兼水帝尊萬里朝宗來  
百谷中華形勢盡三門雲開帆席洋船過月出樓  
臺海市屯元氣茫茫全化水不知天外有漁村  
南越人祠盡祀融章丘平處有行宮三江水到扶



胥大萬里天歸漲海空潮汐舊從獅口入帆檣新  
與虎門通天畱一島蒼茫外可惜田橫事不終  
扶桑影逐海雲過蜃物春來變怪多日暖羊城來  
士女月明龍戶有笙歌家家水帝祠南海歲歲天  
朝使暹羅漢將神靈銅鼓在風吹音響滿滄波

寄懷王處士不菴

焯

苦憶君公白髮長墻東依舊水雲鄉漢家男子惟  
垂釣楚國騷人正采芳匏葉浮沉難涉水菊華甘  
苦總含霜何人再拜還牀下知己凋零在白楊

懷桂林

太舉兒孫在桂林參天筍石總森森東西柱向穿  
山出左右江連嶠水深光祿堂前曾酌酒伏波巖  
上復鳴琴軍書一卷畱苔蘚他日思從洞口尋

哭顧徵君寧人

炎武

幽燕久客似遼東絮帽天寒苦朔風飛兔有人還  
不帝伏龍於爾獨稱公白頭無子遺書散黃石多  
年故冢空畱得孝陵圖記在教人涕淚哭遺忠

君有口孝陵圖  
及昌平山水記

昌平山水是天畱海嶽朝宗此帝丘一代無人知  
日月諸陵有爾卽春秋書生得盡惟哀痛故老  
難存苦白頭遺骨故應園下葬年年天壽守松  
楸



招魂不返恨天涯旅櫬空歸葬海沙楚國兩龔長  
不食淮陽一老久無家蒼松歲晚孤生苦白鷺天  
寒兩鬢華聞道五經多註釋不知誰爲作侯芭  
登高憶共雁門間北望京華灑淚還白馬小兒猶  
漢殿青牛老子已秦關河聲不解消長恨山色惟  
知老玉顏耆舊只今零落盡北邙松栢爲君攀

爲惠陽魏少府壽

司馬停驂穗石邊豐湖未有主人賢花中臥治兼  
三郡海上行春又一天浦愛沉香清有月山懷象  
嶺翠無烟初冬已見南枝滿父老持將頌大年

送典試劉工部

旌節翩翩向北還茱萸家在第三灣纔同白鴈來  
炎海又逐紅梅出庾關得士多於珠子樹懷人更  
在石公山天寒尊酒能相送亦有羅陽一白鵬

木末亭

木末亭臨萬井中遙遙正對孝陵宮九原未肯  
成黃土十族猶然吐白虹自古以來無此死教人  
不忍作愚忠雨花臺畔啼鶻滿血染蘼蕪一片紅  
想像忠魂在舊京君臣自此益深情佯狂豈是三  
仁志哀痛猶傳一代聲往日衣冠留木末只今俎  
豆失江城無多書種難留汝恨絕興王不愛名

感事



茫茫一島是天留父子經營作首丘亮在自能存  
社稷橫來那得更王侯君臣不肯歸魚腹舟楫從  
教到石頭恨絕生降虛百戰桓文事業委東流  
堂構徒勞四十春虛無宮闕有金銀乾坤不沒憑  
孤嶼日月長存賴一人事敗自應同正命時危那  
得作遺臣三千尚可收餘燼力爲亡諸更破秦  
神華縹緲蜃樓中吐納風濤有漢宮一代波臣持  
日月十年海外盡英雄書王虛擬春秋事竊帝難  
成割據功五百豈關無死士將軍不欲令名終  
市井多年作隱淪不須東海更逃秦英雄自古元  
無主華夏而今豈有人憔悴空教漁父笑佯狂合  
與酒徒親滄浪清絕無纓濯散髮風前重愴神

兩粵督府祝嘏詞

亞相宣威五嶺來東南天柱是裕臺和平自得康  
公壽文武誰如吉甫才去歲羚羊寒有雪今年員  
屋暖多梅嘉魚又復期張仲至日風光滿玉杯

十一月廿羊

嘉魚出小湘峽冬月賣向裕臺市上

峽積雪彌望  
裕臺此日卽裕高喬嶽精靈在節旄炎海一邊消  
瘴癘越裳三載息波濤雍容師保惟周禮羽翼春  
秋有楚騷棠下人多春酒獻巡行召伯不辭勞  
斧鉞東臨屢有年蠻方人賴袞衣賢不將南庫歸  
京闕自作長城控海天七朶芙蓉珠斗曲一輪明



鏡玉臺圓無多香尉留州郡盡沐清風嶺嶠邊五六

謂七星巖  
瀝湖也

馬上黃門鼓吹多行邊西上極牂牁交人競拜雙  
銅柱客宿長依一玉珂幕府琴彈槃木曲門生笛  
奏武溪歌軍中盡識投壺禮宴樂公堂滿太和

贈高第街鄰人李叟

高第南臨珠水濱堂開與爾作芳鄰東家御史稱  
寒鐵西舍仙儒是抱真詩筆每爭烽火樹棋枰多  
就落花茵書樓月色微明夜相照須君太乙才初國

周公新稱寒鐵御史李先生孔  
修私諡抱真皆嘗居高第街者

野菊

野菊叢叢委道傍花雖細朶亦芬芳朝分蔓草惟  
零露暮得空林是夕陽佳色恨無彭澤見落英疑  
有大夫香生來苦蕙誰能識欲寄幽人隔水鄉  
重陽節後汝先寒甘苦含霜滿玉盤豈必東籬方  
可采未須南楚已堪餐浮沉片片宜蘭酒黃白枝  
枝稱籜冠野外無人香更甚移根休使近雕欄

重至都虛觀作

石勢盤迴下翠微峰峰有瀑似煙霏參差古木穿  
松出掩映寒花間葉飛白髮休教毛女笑黃冠好  
逐羽人歸仙壇歲久無香火欲掃莓苔恐濕衣  
仙山鎮日白雲封磴道依稀四百重分去祗成雙



瀑布合來元是一芙蓉臺邊月作麻姑鏡洞口風  
爲羽客鐘古觀無人黃葉滿鹿麕行處有遺蹤

### 懷偉公

歲暮憐君匹馬輕于人未免仗才名三喪何處求  
蒿里十口無歸在穗城處處山川含劍氣年年市  
井有簫聲艱難我亦頻爲客白首棲遲尚未成

### 過西村訪蒲衣子作

咫尺沙亭是故園西村何必讓南村門生吹笛迎  
溪口稚子舁籃出市門翠羽最憐么鳳小蒼鱗長  
識老龍尊新詩一一忘憂物不必蘭房更樹萱

云昔欲居南村

### 再賦老樹篇爲少叅公壽

兩世甘棠大葉榕城邊望似一峰峰康公父子多  
陰雨太率兒孫亦地宗春酒人爭持大斗歲星天  
使在南禹依依衮繡東山下歌舞公歸悵莫從

聞觀察公以暮春日與諸公爲菖蒲澗之遊  
賦此紀事並以爲觀察公壽

天南三月卽清和憲使相將散玉珂秦代仙人瑤  
鳥在堯時春韭紫茸多光輝飲御惟魚膾披拂風  
流有女蘿聞道長生須九節不妨采采濯清波

謂安期生

舟經晉康奉訪州使君有作



大小湘流繞訟庭使君日對數峰青西將錦石爲  
天柱北倚香山作玉屏白鹿春行蒲媪地嘉魚冬  
膾大中亭舟過欲識神明守未忍揚帆入杳冥

忠養堂書懷

無才不敢恨長貧老大惟知與道親几杖高堂多  
古物衣冠中士有遺人碧梧早落過芳歲黃菊遲  
開及好春繞屋雲山無路入一家雞犬自先秦  
雨過山堂秋氣新書聲日日接西鄰陶公紙筆爭  
兒女茅氏瓜蔬笑客人缸底醇醪多日盡鏡中衰  
貌幾時春尋嘗古几當花隱白首韓康有老親

奉和澹翁六叔父開春病起之作用原韻

花爲春寒未海棠猶餘梅過立春香憐翁身入新  
年健與我情同愛日長吟處自能空海嶽酒中那  
得有彭殤消除白髮詩篇在况有知音在艸堂  
遶屋雲山盡玉屏人間何處有沙亭禾皆兩熟香  
粳白榕是千年細葉青先祖舊栽長命樹曾孫頻  
見老人星丈人於我爲諸父抱甕相將入杳冥  
多謝鶯聲送酒杯一詩成似一花開古稀已在義  
皇上難老還如稚子來心共青蘭春箭發吟隨白  
鳥暮聲迴溪邊正可垂生釣作鱸相期向小臺已翁

六十有九矣

煙管峰峰枕海平衡茅相接午雞聲三閭子姓元



南楚二老衣冠是舊京  
騷學自應推小父  
人師未敢讓諸兄  
開春燈火叢家廟  
列坐歡娛且慰情  
五嶽歸來一艸廬  
依依桑梓未離居  
弟兄遺恨無三謝  
父子追歡有二疎  
石路乾時人引杖  
花窓靜處鳥窺書  
從來養壽惟芝艸  
綺皓何人便不如  
四百羅浮在枕邊  
一年春向一峰眠  
夢爲蝴蝶元非我  
生作蜉蝣亦是仙  
服食儘多真日月  
經營終少幻山川  
逍遙見說須無待  
姑射神人本自然

鴛鴦蓮

友人池蓮歲癸亥有一花兼紅白以鴛鴦蓮名之

雄白雌朱一朶中  
鴛鴦共命恰相同  
東家傅粉嫌全素  
北地調脂愛半紅  
池滿絕愁羅襪濕  
月明頻

使玉壺空田田葉裏開  
無數獨爾雙飛入蕊宮  
豈知花亦有鴛鴦  
一朶中分兩色香  
半染朱霞爲面貌  
全裁白雪作衣裳  
心含甘苦無雙意  
蕊結氤氳總一房  
世上芙蓉那有此  
多疑雒女弄新粧

紫蘭

小小春萌卽作花  
心中抽出紫莖斜  
真同蘭蕙爲香祖  
絕似瀟湘帶露華  
深淺總分紅翠色  
芬芳長在美人家  
凌朝摘去愁纖手  
取向窓前傍綠紗

翡翠蘭紅翠者翡翠之別種

花朝後一日同黎子及諸從兄弟小集澹翁家叔園林分賦



九十春光一半中吹寒昨日始東風鶯如嬌女雛  
偏好花似仙人老更紅大阮竹林畱父子先臣香  
艸與童蒙樽前不暇舒長嘯名飲風流且自雄

獨酌

時丙寅春  
五十七歲

歲月無多嘆逝川七旬更待十三年忘憂却在難  
忘處學道還如未學前黃鳥竹間催獨酌白鷗花  
下伴閒眠藏書不少名山業兒女他時各一編

賦贈番禺孔明府

特簡名賢向越臺素王苗裔魯邦來真知孝友能  
爲政自有神明不用才泗水流添珠海滿尼山色  
映玉峰開番禺自昔循良少豈弟如公接上台

丙寅春日承王大將軍招同諸公雅集分得

簫字

時牡丹  
盛開

花發將軍折簡招天香驚似雒陽飄酒痕一一沾  
紅藥棋勢時時得紫貂羽獵思隨珠浦馬弓鳴憶  
貫玉門鷗自來高詠憐袁虎謝尚風流豈玉簫

賦贈廣州劉靜菴太守

十郡樞機是廣州公來賢冠九諸侯江間再作沉  
香浦洞口重開穗石樓楚國辭華多雅頌炎天文  
獻少春秋深憑玉尺加裁定勿負殷勤一太丘

晉  
滕

修爲廣州刺史有五仙持穗之瑞侯楚黃人  
時受陳省齋先生助予纂修廣東文集之囑

紅石榴



百疊裙裾染艷霞  
仙人剪作此靈葩  
光凝蝙蝠千年血  
丹吐芙蓉萬點砂  
奇樹舊分西海種  
孤根元逐漢臣槎  
珊瑚不敢言烽火  
枝榦何如朵朵花  
光爭龍燭是流暉  
不夜名葩世所希  
絳萼燒時雲盡暖  
丹鬚濕處露多肥  
枝枝影爲朱天出  
朵朵香同赤帝歸  
更喜千房同一蒂  
清泠不使玉漿微  
真疑夜火百枝然  
晞采扶桑色正鮮  
吐納朱光成十日  
芬披丹氣作雙煙  
膏凝可釀扶南酒  
裙縵堪畱太液仙  
千葉垂腴嫌太密  
有時難見曉粧妍  
擘擘珊瑚映水宜  
炎雲沐浴更生姿  
承風影拂河陽樹  
向日心傾若木枝  
珠熟紫房開莫早  
丹成朱

火養休遲不教纖手頻來折  
畱燭蘭堂欲暮時

丹若枝枝越女家  
紅爭一朵髻邊霞  
煎成藥餅須千葉  
擣作香脂費幾花  
傾向玉盤新滴瀝  
移來金谷舊紛葩  
水晶千子憐如一  
浸液霜滋似露華

粵中

四月八日  
以白石榴葉爲餅  
相餽名曰藥餅  
鄭虔云  
山石榴可作臙脂

並蒂分貽弄鏡人  
熒熒一瓣上丹唇  
紅華自得江郎頌  
朱實誰誇石氏珍  
奇麗總無山海別  
馨香更爲雪霜新  
簪來玄髻如朝日  
解化南威艷絕倫  
纔看絳采滿繁莖  
已望天漿一雪醒  
烽燧每教人巧笑  
冰霜難奪爾孤榮  
朱房薦處蒲萄讓  
素粒開時小鳳爭  
華實有誰能並  
麗爲君裁賦答奇生

炎州



有凌霜榴

灼灼紅牙大火含玉顏  
醜為露華甘施朱已似東  
家赤染粉何須北地藍  
葉作香湯爭午日花為仙  
醞盛瓊南辟兵符子兼雙  
朶兒女紛紛角髻簪  
結就金牙重壓簷摘來教  
且貯香奩雙房自得黃  
牛直一實人爭白馬甜  
夏吐已憐細的滿秋開還  
愛絳鬚添朝朝相對丹暉  
坐扇暑風多不捲簾

記白馬甜榴一實直牛

重結重開一歲中  
端陽節後未枝空  
甘成玉液能療渴  
白就丹砂可養蒙  
石虎苑中傳子大  
香爐峰上更花紅  
垂光九夏多炎德  
吐盡精華為祝融

### 題陳獻孟城南新居

山公相愛遂移家  
且得園池傍海沙  
南北未教蓮葉大  
東西先遣柳條斜  
何須潦倒頻中酒  
已有風流似浣花  
多養白鷺萍藻上  
右軍來寫一天霞

軍為君卜築

小南城畔石堂開  
艸滿從無牧馬來  
夜哺白憐鳥有母  
朝飛人歎雉無媒  
竹竿多植貪苞笋  
花蒂頻畱待結梅  
居士近耽禪寂甚  
蒲團一一在琴臺

避暑池塘十日畱  
兩家萱艸總忘憂  
雨中汕子多金鯽  
烟外將雛有白鷗  
月出箏琶喧粉堞  
風過帆席拂丹樓  
芭蕉欲使遮城角  
葉葉聲寒不畏秋



白髮高堂繡佛前，絲來至孝自通禪。  
夫妻苦葉愁多水，母子甘瓜喜滿田。  
有道何妨爲紫槿，無心不覺吐青蓮。  
清齋便可頻來共，看爾承歡疎磬邊。

郭氏未成婚

### 送靜公別駕之南寧

五月滇黔水大來，愁君西放畫船迴。  
中閨咫尺鄰銅柱，新詠參差是玉臺。  
孝友人知花萼好，精誠自使瘴煙開。  
休嫌事業多邕管，天愛文淵此用才。

### 呈某按察使

重來聽訟海雲間，司寇冠形似舉山中。  
正自教金矢得神明長，與玉琴閒湘纍子。  
姓憐三戶白，傳詩

篇動百蠻咫尺臺門高，不極肯容狂客一追攀。

### 洪州喜遇京口宋君

滕王閣下繫扁舟，尊酒相逢慰遠遊。  
京口英雄能六博，君卿意氣動諸侯。  
烟生南浦漁帆隱，雨過東湖鴈影秋。  
一代只今高士少，故知磨鏡自風流。

### 代壽兩廣制府

開府勲名冠一時，崧臺百尺建旌旗。  
羊公裘帶高炎服，山簡風流照習池。  
嶺表梅當長至發，弧南星與老人期。  
鄉園此日蒙膏澤，春酒相將頌介眉。

### 奉送蔣少叅督學中州

旌節翩翩不可畱，大河南北望風流。  
歲星又復移



嵩嶽時雨行將化豫州身作人師先嶺海書成臣  
鑒亦春秋江干相送難為別煙樹蒼蒼滿驛樓君  
臣鑒  
一編

贈王端州立菴

專城自是古諸侯露冕牂牁控上游石室已多高  
士榻嵒臺還有庾公樓天寒翠羽沙邊宿日暖嘉  
魚峽上浮愛客壺觴情不淺絲來太守最風流

端州逢某使君賦贈

三江東作一江流西水微茫汝欲愁使者龍荒虛  
歲月先公馬鬣未枯楸身為喬木多連理家與崑  
崙在上頭努力當年開府業二難聲望滿炎洲崑崙

關名在  
邕州

壽西洋郭丈

書牀花發貝多羅鸚鵡堂前解唱歌明月新生珠  
子樹白雲初熟玉山禾千年命縷絲能續七日仙  
棋著更多最是端陽榴火好為君流照玉顏醉  
生  
子  
丈  
生  
日  
為  
端  
陽  
之  
七  
日

季秋之五日承諸族父過賞菊梅分賦

未及重陽菊已披梅花數朶映霜姿頻將春色添  
秋色不惜寒枝作煖枝甘苦已教陶令識芬芳更  
與阮公期竹林相過須沉醉莫待登高倒接羅  
珠江觀競渡聯句



湓口人家盡繡簾均大衣翻蛺蝶麝蘭添修屈徵歌曲

愛蓮花豔修劉進注酒漿愁荔子甜均大水氣欲飛山

作雨修沙雲先白海成鹽均大貪看競渡忘歸去修進

搖櫓休催素手織均大

閨怨限一 二 三 四 五 六 七 八 九 十 百 千 萬 雙 半 寸 尺 丈 凡 十 八 字 並 限 韻

六七鴛鴦戲一溪愁人二十四橋西半天書斷三

秋雁萬里心懸五夜雞蠶作百千絲已盡烏生八

九子初齊丈人何處聽鳴瑟尺寸長垂雙玉啼

桃三李四已成谿六七花東八九西一尺髻高愁

墮馬五更衾冷怨鳴雞游絲百丈全難斷舞柳千

條半欲齊十二雙邊無寸字鴛鴦都作萬行啼

二六巫峰七十溪千迴萬轉八林西頻同半槁三

花樹不及雙飛一錦雞四角盤中書易就九枝燈

下影難齊春絲百丈牽方寸愁掩羅巾五尺啼

對水仙花題畫中水仙花兼紫芝怪石

凌波看與宓妃同半在丹青半水中香氣分從冰

練出清姿交映玉壺空先春著粉教如雪向夕生

寒不待風最是芝華相伴好太湖石上一叢叢

丁卯元日作奉和澹園六叔用來韻

一冬喧暖望寒來元日陰陰雨不開春色未隨芳

草轉年光已被絳桃催能吟椒蘂餘中婦喜弄鶯

雛有老萊兒女鳴鳩方六七堂前爭得是花梅



正喜乾冬又濕年定知穀貴欲耕田鶯花縱好非  
春色雨雪偏多是朔天親在敢言身老大時來尚  
覺命屯遭蒼蒼容鬢多情甚解爲愁人一倍妍

人日雙檜堂社集與諸從分得高字

檜樹陰陰廟貌高相將人日事抽毫白頭寶勝分  
雲髻新歲椒花剩玉醪已暖風光全在柳猶寒雨  
色半含桃湘纍辭賦吾家事風雅能兼望汝曹

正月十二日集黃氏齋聽羅丈彈雉神操作  
鶯聲已比去年長花氣猶含昨夜香忽把瑤琴彈  
雉女盡驚羅襪踏春陽三城且莫喧歌管四座都  
遲命羽觴幾處輕寒銷火樹祇須明月助燈光

奉和嚴藕漁宮允蒙恩予假南還述懷之作

次元韻

恩淡正可遂初衣勇退絲來世所稀吳地菰蘆還  
獨往漢家鴻鵠已高飛光搖白蕩多漁艇勢截長  
江有釣磯咫尺桐君相伴好客星苗裔未全非  
勅取新詞內使催中堂持草入蓬萊玄成諷諫書  
金上太白清平賜錦回北闕鷓鸞方接洽西山松  
菊又歸來東鄰嫁畢今無女歌舞何人更作臺  
三時晴雨望高旻沮溺無心笑問津香艸未能忘  
楚國桃花那識有秦人春秋義向漁樵重日月書  
歸艸野真遠志何妨爲小艸君歸更臥惠山春



炎方且爲荔支畱藥市東邊問伯休三島易尋徐  
福國五湖難上大夫舟珊瑚樹待漁竿拂蔭葡萄花  
期野寺遊寄語嘉禾供奉客更拋宮錦鳳池頭供奉

客謂朱錫鬯

嘉蓮詩爲汪右湘作

絕憐花亦有鴛鴦化出芙蓉兩朶香心苦但知含  
一蕙影寒不肯作雙房玉顏紅白多因藕羅襪沉  
浮欲渡湘知是主人能好色故將連理媚金塘  
不知一朶還雙朶但是芙蓉卽並頭生作鴛鴦那  
有恨開成荳蔻似含愁絲絲但在泥中藕片片從  
飄水上秋寄語池塘題賦客休教折向采蓮舟

花朝前二日小集澹翁園林觀落紅有作限

塘字

一夕花流滿曲塘半沾泥滓尚紅粧子鵲血灑朝  
煙濕謂杜鵑花巫女魂飄暮雨香謂蜀茶已落秣堪貽下  
女未開猶可待東皇啼鶯莫向尊前怨春事明朝  
定未央

贈嶺西僉憲孫使君

諸道聲華首嶺西崧臺高與使君齊英雄只可推  
京口風雅何曾在浣溪錦石每勞三日望玉琴多  
向七星携風流我亦能酣放相逐山公唱大堤使君

鎮江人



壽鄭母何太夫人

舞愛萊衣袖最長翩翩猶帶紫宸香  
白華一一生珠樹紅翠紛紛繞玉堂  
海上山盤天姥髻井中泉湧鮑姑漿  
不須魴鯉分賓客已有聲華似鄭莊

壽李叟

野老相逢汝最賢知予心在上皇前  
曾無白髮當明鏡爲有青尊養大年  
蝴蝶不須分物我蜉蝣亦解笑神仙  
桃花歲歲能多食自得童顏絕世妍

望羅浮

大小麻姑雨過時白雲開處見春姿  
芙蓉影滿三千鏡紫翠光生四百眉  
瀑布東西金滅沒石樓高

下玉參差當年坐臥青霞石亂長苔花不可知

東樵南望卽南樵蒼翠相連似不遙  
亂著峰眉深淺色爭飛瀑布短長條  
曾從玉女窺明鏡亦上麻

姑弄紫簫多謝白雲情太甚飛來一片屢相要

麻姑皆峰名

永安紫金山眺望有作

繞縣芙蓉四面來紫金爲枕玉爲臺  
一樓西接雞冠出三殿東連燕尾開  
風外二琴聲在水雲邊雙髻影當梅  
夕陽蒼翠含煙火候月城頭一舉杯

燕尾二嶂名二琴謂南北琴江三殿雙髻皆峰名

水從丹嶂五江分流入秋鄉似白雲古渡鐵潭花



漠漠疎林火帶葉紛紛穿城汲影煙中見隔嶺樵  
歌月下聞繫馬樓前貪極目描眉峰好最思君

鐵潭

渡名火帶逕名描眉峰  
名江有五江在縣境

刈稻

丁卯秋日

秋日農家樂事多花黏早獲外沙禾妻孥終歲同  
勤動沮溺平生共嘯歌魚蟹嘗新先十口雞豚養  
老及雙蟠自憐老去無筋力十畝躬畊得幾何  
如茨刈處海雲屯向夕船歸浦口村拾穗田間多  
婦女打禾場上有兒孫牛肥大稗新多力雞啄香  
粳久不喧明歲豚蹄應更祝先農解聽野人言  
腰鎌向夕候潮還禾稼高高望似山田在海棠沙

首尾船隨黃木水灣環家家狼戾雞豚喜處處人  
村鳥雀閒更好秋來無苦雨老農杯酒日開顏  
沙田一望盡黃雲擊鼓看禾海上聞獲稻舟如鳧  
雁合捕魚人向水煙分燒鹽處處因禾稗射弩朝  
朝及驚裙生釣河豚還大得爲漁吾亦勝爲君  
秋分寒露一齊收八月中旬九月初頭禾好不過霜  
降節年豐絕勝丙寅秋多時飯白無雲子一夕粳  
香滿竹篝垂老胼胝吾自分獨憐難得耦畊儔  
吾田每候落潮畊海水多鹹却易生秬米占城難  
得種大禾南越最知名築場且喜浮沙少曬穀偏  
宜霽日明種秫無多難釀酒祇應不飲過秋聲



柚燈

柚燈多出女兒家持作中秋不夜花盡去紅瓢餘  
紫玉深含朱火似丹砂枝枝巧製鸞龍樣顆顆光  
爭日月華七夕素馨穿百子琉璃點處更如霞  
羊城燈好最堪誇柚子雕成分外華珠向中秋爭  
吐月火同元夕競生花佳人香染團團露稚子光  
分點點霞歲歲霜林親買取酸甜不獨爲冰牙

河豚

河豚味美讓菱塘肝嫩何如肉有香放艇秋垂兄  
弟釣行厨日治水雲觴絲來海錯稱山越每當園  
蔬是水鄉市口腥風吹未已一籃爭買及新霜

鱓

水落鹹頭鱓不稀漁人網得虎門歸玄黃膏向臍  
中滿大小筐從蛻後肥銜糯輸黏寒露節迎潮送  
汐白雲磯野人饕餮二秋甚螯跪餐來當蕨薇

七寸桃

天桃七寸已生花有葉無枝朶朶霞不待三春方  
少好未曾一歲卽紛葩紅顏賴爾多秋實白首須  
君共歲華十四莫愁生子早雒陽誰不羨盧家

爲鄭公壽作

趙尉城邊講舍開年高几杖自天來康成階下多  
芳草董子書中有玉杯白髮鴻妻同上壽青雲驥



子總多才稱觴不盡麻姑酒醉看翩翩舞袖迴

壽廣州太守劉公

天南文獻藉公傳僧孺風流映後先扇子聚珠會  
不執沉香成浦更無邊由來葛鮑能為政豈有龔  
黃不是仙十月小春梅已蕊天心多在未寒前

為百歲潘仁需翁壽

七朝畱得太平翁服食無營似竇公鬢左不須雙  
肉角心中自有一方瞳兩兒杖國年皆至三叟鋤  
田事亦同大斗爭持堂上獻我來先擬問還童

醫目

上某僉事

楚人時攝  
按察司事

翩翩旌節日南迴五嶺樞機憲府開天下持平廷  
尉在關中居重相侯來聲詩此日歸荆國飲御何  
人在越臺無限鶯花歡士女擬將珠海注春杯

栽桃

新栽桃樹一株妍桃葉初逢飲乳年頭白尚多華  
子利心孤偏得鳳凰憐房中歌向夫人授陰道書  
從素女傳三歲夭夭誰不愛東方壽命藉君延  
天使夭桃性早華當春少小已如霞三千自得仙  
人核十五頻開曼倩家羽扇文章栽鳳子玉盤膏  
沐養蘭芽春山莫鬪眉長短儘有芙蓉勝館娃  
溪外漁郎已早知挈舟不恨問津遲分來一笑秦



人手種作三珠漢苑枝春意盡歸無語處年華多在未開時綏山自是丹砂物况有盧家一女兒朝來露浣玉顏鮮花好何如葉可憐一日渡江團扇貴三春醜面豔歌傳丹成弄玉分飛雪曲就青琴得水仙生下阿侯方十五雒陽春色自來先

贈龐祖如

看君已過杖鄉年老大狂歌可似前殉國不隨師友盡居家徒作父兄賢休同謝客貪成佛莫學龐公愛坐禪兒女閨庭看漸長尚書多授伏生篇白頭不覺老丘園誰識襄陽一士元世作甘泉高弟子生為曲靖好曾孫遺書未少黃龍洞素業猶

多白苧村九十不妨還好學猗猗淇竹為君言

曾令

祖彌唐先生諱嵩年五十解曲靖太守印歸請為湛甘泉弟子令祖嘉魚大令諱一德世其家學俱有文集行世

平生師友與君同白首無成愧義公血化不會披宿艸心喪何處哭長虹門生嗚咽休吹笛弟子摧頽罷執弓野史相將多作傳兩家傳信表孤忠

贈墨西

姬人姓陸生于高要之布水村與端溪密邇予得之使朝夕在研之西磨墨供予揮灑故字之曰墨西為詩贈之得八首

香溪一片即端溪采得姬人字墨西水玉朝朝磨



削筍松煙日日染柔荑教成小楷書難已催作新  
詞唱未齊善品水巖諸甲乙青花白葉滿中閨  
琉璃研匣鎮隨身墨愛君房古色新王勃三升頻  
飲我青蓮百首每催人初來往往春葱破久立時  
時翠黛顰日用一螺殊未足不曾渴筆致卿嗔  
眞紫羊肝產峽山墨雲蒸潤火痕間磨礪一出黃  
岡客洗濯頻勞白玉鬟小字每教呵氣寫大書常  
恐白頭還夫人筆陣卿須熟格用簪花解玉顏  
幸是眞巖發墨多纖纖莫損指紋螺思深稍待天  
淵入紙落休驚風雨過暇卽雙鱸焚熟結閒須一  
盞養春和如卿手爪今無幾才盡江郎奈若何

少小長齋繡佛前前身應是散花天毘邪一見全  
無病居士相依祇爲禪每乞研金書梵唄時教潑  
墨作雲煙爪痕多在曹娥帖紅染蠻花半鳳仙  
居近羚羊峽口東蠻娘琢研是鄉風家家紫石爲  
生計一一青花出女紅汝亦水巖眞暖玉多愁墨  
瀋汚寒空輕磨莫令霑濡甚誤點屏間惑乃公  
布水村連墨研沙眞巖得自女兒家蟾蜍滴滿三  
春露翡翠牀開六代花弄粉沾書成垢膩分朱點  
易出精華還將劍器增飛動艸聖從今益自誇  
焦墨工爲五嶽睂珊瑚架畔罷書時靈犀一點通  
玄早綵鳳雙飛應兆遲結子天桃三歲好生華古



木一春宜同聲豔曲殷勤唱素女風流是我師

贈香東

予得姬人陸女字之曰墨西越數日復得東官  
石氏女使之司香而字之曰香東爲詩贈之又  
得八首

宣爐東畔暮還朝一氣窓間拂絳綃生熟水沉憐  
血格陰陽火活恐煙焦莞中雖是香農女江畔難  
將玉珮要得侍維摩真大幸一生心字佛前燒  
絲藤五色作薰籠日焙春衣廢女工熟結浣將茶  
小煖香魂煎取火微紅花開莫使雙煙近鶴降須  
教一縷通收拾餘芬歸兩翅簷間么鳳與卿同

生長香田是馬岡時時作得女兒香盛來小盒瓊  
瑤似染得空林蘭蕙芳酷烈不言油速好清甜每  
覺鐵斑良黃沉日食知多少吐氣氤氳滿畫堂  
鎮日盈盈斐几邊裙裾出入有餘煙含辭已似黃  
馨吐取氣還將黑潤煎作配文人非豔福托胎香  
國本真仙心花意蕊開須早證取圓通鼻觀禪  
才名偏得鳳凰心肯卽雙雙果玉琴青鳥使來王  
母國綠衣人出女香林袖中玉斗竿脂滑牀上銅  
鑪翠色深暇日每將黃熟揀珠蘭薰曬比兼金  
綠珠自昔生南越碧玉絲來出小家典却寶書爲  
玉帛迎來香室作煙霞青絲覆額如雲短翠暈拖



看半月斜十五有餘弦未下水輪一倍吐精華  
爲情顛倒破瓜初冰雪蘭湯出浴餘子蕊半開紅  
荳蔻娥光初吐玉蟾蜍粧成不許薰香坐繡罷頻  
教執管書大小乳爐時拂拭心香吞吐病全除  
花朝今日遣車迎畫扇開時似月明花向佳人分  
巧笑鶯因公子弄春聲舊抄香乘文多誤新寫琴  
心曲未成几席東西雙玉立鴛鴦折殺馬長卿

貞女篇

獨立佳人是北方堅貞不字處蘭房求仙未得真  
簫史擇對惟希古孟光人羨玉臺辭賦美自憐丹  
穴羽毛長時來屯女須婚媾咫尺高賢珠水旁

贈龐先生

兄事龐公亦有年相過長得拜牀前妻孥呼作厨  
中黍龍鳳看畊壟上田水鏡笑談三國定鹿門耆  
舊一人傳遺安自是君家法會有山民繼汝賢

呈張振六觀察

關中人

頻陽有客在金閨謂李子天生最說君家將相齊令子  
雲雷先嶺外元侯帶礪首河西尊公通侯秦風雅有兼  
葭慕楚澤無令蘭杜迷長憶三峰多氣象見公如  
在舉陽溪

兄弟秦詩奮夏聲塤箎吹出漢西京無雙已冠麒  
麟胄第五還高驃騎名南海山川疆理早東田膏



澤夢魂傾主人身自爲張仲孝友誰淡飲御情

奉和張觀察惜分堂落成喜予見過之作卽

席次諸公韻

旌節初臨粵秀山長沙運甓每乘閒堂前日自羅  
浮出檻外花從若木攀下士新陪裕麈話尚書舊  
領竹林班賓筵燕喜當炎暑披拂清風未擬還

送潘次畊太史

鶯脰銀魚鱗紫鬚垂虹更有四腮鱸君歸正及秋  
天爽人去應同夜月孤衆女自來讒宋玉使君今  
復誤羅敷相如病免風流甚辭賦紛葩出酒壚  
門外煙波卽洞庭船浮鴨嘴出空冥休將拙宦慚

漁父更把狂奴笑容星蕊紫秋來調玉鱠梅紅春

去醉香涇蛾眉揚罷愁鄰女未得相隨返翠屏

謂朱

竹垞

相見佗城識玉珂金裝未及陸生多紫雲割盡羴  
羊石沉水薰餘孔雀羅越女自甘婚媾失明妃誰  
奈畫圖何琵琶馬上紛無數出塞看伊逐紫駝  
一雨江城暑氣消秋聲催客返蘭橈芙蓉越布貽  
徐淑蒼蓬蠻蔬得鮑焦輞水自多禪悅食東林還  
把酒香招吳江楓葉題詩滿好託天風寄二樵

君長

佛齋學

杜鵑花



山花多似女兒裙  
朵朵紅開躑躅雲  
萬古春心傳望帝  
一叢清淚溼湘君  
啼當五夜沉寒月  
血染千林映夕曛  
雨過胭脂堆滿地  
拾歸親浣作香墳  
上作啼鵲下作花  
開時紅映一山霞  
心傷杜宇曾爲帝  
望斷蠶叢尚有家  
點點瓣中知古血  
斑斑枝上亦春華  
長因謝豹多情甚  
歲歲招魂向水涯  
子鵑魂半作花開  
朵朵紅兼涕淚催  
身化只餘孤卉在  
國亾空有百禽哀  
佳人不愛因香少  
野老何心更拜來  
自古重華多野死  
龍魚有恨委蒿萊

送孫少參

翩翩旌節向金衢  
良馬徘徊爲彼姝  
香浦又添沉

水物青鶯頻返夜  
光珠三年德政同  
西蜀五郡謳歌是  
大夫涕泣自知難  
借寇裕臺趨送到  
南禺

贈何東濱處士

素冠東出墓門遲  
攀栢曾枯南北枝  
烈父丹心包馬革  
慈姑白首事熊飴  
書成但置杯圈側  
養罷長懸烏鳥私  
宿艸一丘霜露徧  
非寒亦覺思淒其

尊人雲甲先生諱攀龍乙酉同史相國歿事揚州母彭氏守節撫孤私諡貞毅孺人

遺腹孤兒屬羽林  
漢家終報烈臣心  
天哀孟母霜幃苦  
地幸蘇卿雪窖淡  
非族自知難北面  
未歸誰不作南音  
蓼莪悲盡還禾黍  
血淚終身灑滿襟  
歿事終軍正妙年  
鬼雄邗上戰空天  
招魂應葬梅



花嶺爲厲難歸白下田六尺遺孤哀汝在千秋繼  
志讓誰賢三年墓左空啼血未許乘春化杜鵑  
嵇康有母甚慈威教子山阿日采薇頤性自令高  
士在潔身誰謂丈人非鹿逢甘艸頻鳴友蟬有高  
梧欲罷飛忠養未能吾自愧艱難水菽與君違  
依人卽是遠遊時兩鬢飄蕭喜未絲牧犢有兒應  
不娶牽牛無女莫相思坐邊書帶多芳艸行處商  
顏足紫芝不仕與君同苦節笑他嵇紹血淋漓  
天寒共宿枕衾同骨肉交淡異姓中白首爭知添  
歿友緇衣不必託生公吳戈遽棄憐而父殷社長  
墟恨彼童話處斜陽頻慘淡忍將雙淚向西風

舟入新興江將訪柴子有作

不知江口水聲分舟入千巖只爲君春盡林香猶  
作瘴雨餘山氣未成雲白魚捕處禽多翠甘艸銜  
時鹿有群咫尺栢杉煙靄隔一峰長嘯萬峰聞

新興贈李大尹

廿四山開彩翠分城邊驚起鷓鴣群白雲不散惟  
廳事明月相逢是使君漢代循良今復見新州煙  
瘴昔曾聞文翁教化先求友座有相如挹素芬

送人還秣陵

莞江春色滿官衙三載笙歌擁絳紗詞客多情憐  
玉樹將軍清嘯和金笳歸心忽動秦淮水去路遙



攀大庾花尊酒河橋相送送夢隨鴻雁到天涯

詠荆軻

荆卿西去不勝悲岐路蒼茫欲待誰  
匕首豈堪將  
豎子地圖何不與漸離淒涼易水驅車日倉卒秦  
王遠歟時劍術可憐疎未講精誠空有白虹知

呈蔣少叅

先公棠蔭留虞苑君復薇垣啓楚庭  
太史西臺多  
正直諸侯南國有儀型光開心鏡惟珠海秀作文  
峰是玉屏講學天關遺迹在須公更築見泉亭先哲

湛甘泉講學天關築有見泉亭

羊城秋日有作

炎天九月已狐裘南雪年來不待秋  
砧杵聲如光

祿塞牛羊氣似白登樓番禺山斷成天闕劉巖嘗鑿二山

以為雙闕日月泉乾失藥洲霸業已隨流水去花田一

片自風流

贈施少府

錢唐佳麗在才人別駕聲華動紫宸  
五嶺只今勞  
五馬三城自此似三春應悲南庫惟珠海且喜東  
籬有葛巾計畫軍儲多暇日相過詩句鬪清新

以東莞香根贈查二德尹有賦

香農種汝忌泥肥香在根株世所希  
一片肯教朱  
火近雙煙嫌作紫霞飛芬馨未入嵇含狀黃熟難



隨陸賈歸贈爾如蘭克雜佩同心端在此輕微

送德尹之東莞

明發珊瑚洲甲水邊才華人羨汝翩翩采香莫問香

兒女中酒應知酒聖賢花萼舊多東莞迹令兄韜荒常至

曉竹枝重有寶安篇馬蹄地名金桔地名多生結盡解

相貽不用錢

壽李番禺

青蓮昔愛崔秋浦鮑靚今畱葛穉川清露自餐浮

嶠外白雲那到訟堂前難逢一代循良令欲獻長

生內外篇詞賦已光山水縣風流更有艸書傳

為族父國子先生七十又一壽作

久謝瓊南苜蓿盤歸來黃菊滿園看三為祭酒那

知老一作柴桑未到官佳節每忘秦伏臘野情多

在漢衣冠古稀誰道人生少更得期頤也不難

蟬多梧柳不驚飛鶴有煙霄自解歸酌酒頻成陶

令醉為園久息丈人機餐餘白蝠能千歲種滿蒼

龍已十圍疏傅賜金姝未盡賓筵莫惜進甘肥

耳聾休嘆鹿皮翁肉肉生時聽自聰菰米食甘何

用白芙蕖衣好不嫌紅能歌風雅惟三楚解注離

騷是八公分我枕中鴻寶術青絲丫髻兩還童

小除夕讌集張紫閣觀察署中同用杜少陵

秋興第五首韻



華燈一一似朝暉費盡明珠作九微銀管競從文  
帥奪玉杯紛向酒龍飛葡萄點茗香頻至鸚鵡開  
花影不違照映使君分歲席水仙無雪亦能肥

宗嘗稱張曲江爲文中元帥使君別號曲江故云

### 贈馬侯總戎

十乘元戎一等侯潮陽開鎮嶺東頭人歸玉帳多  
龍戶世守金標復馬流自作饒歌師雅頌還將彤  
管注春秋崧臺相見何曾晚並轡歡從暇日遊

### 綵花

佳人纖手卽東君剪出千葩似綵雲銜蘂燕來先  
上鬢捎香蝶過早沾裙金錢競把年光買寶勝多

從宮女分灼灼椒花還有頌堂前三婦最芳芬  
家家天女散花來天上人間一樣裁月令多從纖  
手出春光先向剪刀開枝無南北寒齊發實有青  
黃暖更催百福香奩紛上壽就中爭戴半紅梅

### 己巳元日作

六十年華又一新鶯花偏爲白頭春齊歸小玉焚  
香女迭侍黃金鬻賦人桂酒香清難學釀鱗魚子  
美易垂綸休耽著述當紅藥盡把韶光與四鄰  
水仙白白映桃紅總與仙人玉貌同百萬珠從王  
母擲三千花向歲星叢琴書膝下蘭芝女歌舞堂  
前翡翠童一一瑤筐爭寶勝黃鶯紫燕善鬟中



萊衣宮錦漢蒲桃髻側芙蓉映二毛親在未應稱  
老大家貧那敢失清高雙雙花影隨龍杖一一鶯  
聲勸玉醪堂上九旬看漸近遊仙且莫作盧敖  
流年荏苒恨無聞六十還嗟未策勲好學祇應師  
衛武與齡安敢望周文心同蕙草寒抽雪夢似梅  
花暖作雲報答春光惟有醉一杯先去勸東君  
六十齊頭鬢未華枯楊日夕吐春芽老須人作辟  
寒玉愁待君爲含笑花樂府自矜三婦豔離騷誰  
奪一人葩馬融經史慵親講未許諸生擁絳紗  
賀正蘭已有餘馨人勝同簪出畫屏左氏二嬌初  
共織劉殷七孺未分經林中細艸冰含綠屋外寒

山雪半青沙路盤迴疎竹裏何人知有子雲亭

又贈

十六羅敷已嫁夫秦家樓上有卿無白州生女頻  
歸石南海名娘半是珠短短蘭雲初覆額輕輕桃  
雪欲凝膚前身定是收香鳥日夕沈穢滿繡襦  
生長東官甲水濱珊瑚洲與綠蘿鄰女兒香肉從  
無價上客琴心夙有因方朔俸錢多買笑信陵兵  
法不謀身英雄氣爲紅顏短送老還須日飲醇

壽張侯提督

侯關中人

翩翩儒雅起邊州出入中朝將相優一代長城賢  
父子千年封爵古公侯時平好緩黃河帶身逸須



垂太率旒三十登壇還介弟鷹揚人羨富春秋

玉杯篇 有序

汪栗亭自歙縣貽書屬予為其族父右湘作嘉  
蓮詩二章右湘見詩歎賞以為在所徵同人百  
餘篇之上謂昔黎美周以黃牡丹詩稱牡丹狀  
元鄭超宗賚以金罍二器今屈子亦可稱嘉蓮  
榜眼因以一玉杯自所居黃山之下阮溪四千  
餘里貽予為壽予無以報之亦為之賦玉杯二  
章云爾

牡丹詩好得金罍又賦嘉蓮致玉杯花國狀頭那  
有兩香園詞客故多才春擎小婦連生菜日酌慈

姑汎落梅兒女參差爭上壽芙蓉並蒂祝重開

右湘

有水香園嘉蓮實產其中

羊脂漢玉作深杯雙耳雕成壽字來高士過看三  
笑合美人持贈四愁開白虹氣自朱唇出金液光  
從素手迴不是嘉蓮爭有此芙蓉解作鳳凰媒

玉氣如白虹

送姚君之官貴縣丞

左江西上即潯中貴縣東屏邕管雄人雜猺狼蠻  
語亂地多粳稻估船通門高不惜烏衣貴官小偏  
安柳下工水接夜郎愁瘴毒簞珠多采伏波宮  
崧臺薄暮盡離觴帆指潯梧去渺茫令子相從師



政事故人持贈是循良烏蠻灘口當城出交趾江  
關接縣長他邑莫辭頻攝令春行一日即甘棠

峽裏

峽裏千峰似堵墻時時陰雨見羶羊雙江吐納桃  
溪口一水潑洄蕉利鄉潮到蒼梧鹹味薄春歸員  
屋石花香鷓鴣知是多情者日日催歸使斷腸  
棧道盤迴出萬峰千金鑿破幾芙蓉心悲化石秦  
時女淚灑啼猿漢代松巖際海棠終歲見林邊山  
翠有時逢斜陽野戍休催泊乘月思尋峽口鐘

鳥名

無題

煖老雙雙燕玉同况多沈水麝熏籠馬纓蝴蝶粧  
都好鶯粟櫻桃笑總工春色全歸朱閣裏輕寒半  
入玉杯中紫烟不斷香狼藉曲曲雲屏隔盡風

蝴蝶二粧名

紅梅

生當屋角恨多陰幾朵微紅半吐心暖處易香嫌  
日薄寒時難落怕風淡休教摘去圍雲髻且使移  
來傍玉琴小小相思憐不啄枝間久立忽穿林

鳥名

棗倚亭次張觀察韻

使君才藻見聲詩公暇揮毫向曲池吐綬文禽花



暖處曬珠瓊蚌月晴時冬開最喜梅枝早夏熟多  
愁荔子遲野客相過情不厭笑傾金屈酒盈卮

奉和張紫閣觀察己巳元日書懷之作次韻

使君三閣啓雲扉一別終南志未違揚越諸侯推  
獨坐商顏四老待相依開年柏葉春同暖隔歲梅  
花晚不肥元日書王存艸野春秋長恐史臣非

有黃白  
紫三閣

遠公貽我蓮種賦此答之

白蓮本是遠公物分我池中藕數枝預擬花開成  
菡萏恰當酒熟有醑醢淤泥欲淺教行笋雨水休  
淡恐爛絲但得田田南北滿葉香卽與美人期

送程相音返關中爲尊人樸菴先生壽

秋風首路出臺關西指秦中一騎還南海珠歸文  
筆裏羅浮花在綵衣間壺觴晚就軒轅觀射獵朝  
過袞裯山堂上知君尊老健桃紅不及歲星顏

平人

一樽相送五仙城鴻雁南來爾北征越鳥解催歸  
計早嶺梅不笑客裝輕秦多氣槩詩無敵漢少關  
河事已平舉下故人知好在教同葛氏記西京

寄富平李子德

聞君養疾事丹砂焚却銀魚鬢有華弘景辭官猶  
宰相管燕不宦似鄰家漆沮水滿浮魚笱袂裊雲



淡擁鹿車知道扶風時講授門墻不少是侯芭  
別離長憶十年情出處同高一代名四皓暫爲秦  
博士五經終作漢康成家臨北地元天府人在西  
方是帝京河率幾時重握手尊開石凍話生平

寄率陰王山史

都門一別廿餘霜兩地幽居白髮長皇甫首裁巢  
父傳孔明惟拜鹿門牀夢隨秋月過西嶽愁作春  
雲黯渭陽堅臥未教猿鶴笑書傳却聘有餘芳  
獨鶴亭西下榻時風流儒雅互相師王家墨妙仙  
靈授劉氏文心父子知螺老不會珠子少竹枯未  
見籀龍遲頻同玉女持漿去南至羅浮詎有期

君年

六十餘連舉二子

寄率陰王伯佐

是山史之子

君昔西歸未送君離心飛逐舉山雲大家詞賦人  
難及名父風流子易分消渴尚多枵檜露微官未  
愧鹿麀羣重來嶺海知無日尊酒依依憶論文  
枉駕雲林愛汝賢貧家雞黍及賓先三秦羌弋須  
王猛五嶺神仙屬稚川淵靜益深多病後飛騰長  
憶未衰前西飛幾夕尋君夢繚繞三峰紫翠邊

大樹軒詩爲吳副戎作

漢家大樹屬將軍細葉榕陰鬱似雲幕府開當蘿  
薜影鏡歌吹起羽毛羣驚鸞書就仍無敵猛虎篇



成已策勳作鎮崧臺多紫研青天割得肯相分  
張餘菴先生年六十有九七十有七八十八  
十有四時皆生一子今己巳八十有五矣詩  
以壽之

老蚌偏於珠子宜七旬生到九旬時張蒼日日餐  
香乳方朔年年娶小姬幾樹白華芳子舍一羣雛  
鳳引孫枝真仙咫尺須瞻拜肉角峩峩復秀眉

自蒲澗入濂泉寺作

陰陰灌木夾山蹊入石穿泉路易迷虎去未寒苔  
上跡蟬來忽斷竹間嘶蒲根可食因多節葉背堪  
書爲少泥不雨水簾成滴瀝夢魂清絕寺樓西

送姜克猶歸山陰

深秋豈是送君時落葉哀蟬悲復悲青歲自憐多  
獨往白頭人恨少相知風流南國無詞客秀麗西  
家有美施爲向若耶溪上問蒼蒼苔色幾人思  
握手侘城恨太遲平生吳越罕相知故人東市多  
中散知己遼陽有子期爾向雲門披宿草予從珠  
浦薦江蘼姜家大被應無恙爲致殷勤雨雪時

贈黃叟逸閒

八旬有二鬢如絲見我能文十四時天爲無書留  
古老人因有道得期頤山蟬夜咽寒泉響海鶴秋  
高白露姿拾穗相隨吾未厭西郊煙水歲寒宜



贈小妓鳳求

小楷鍾王解畫沙衛夫人法使紛葩五年孔雀頻  
成尾三歲夭桃已作花蘇小心將芳草結薛濤詩  
向錦江誇大娘劍器看他舞六艸三真更到家

南城眺望有作

帆拂城墻影不遲海風吹亂颺潮時樓飛似挾蛟  
龍氣笛奏休驚雁鷺池上下巡鹽勤白打東西抽  
貨苦波斯江魚價賤金錢貴疾苦炎州只自知  
日斜愁見斷頭虹颺母來時尚練風海底魚龍喧  
夜市潮頭宮闕起秋空鹽燒積雪千田白花吐攀  
枝十里紅大小虎門多戍卒莫令洋寇勢相通

汪子栗亭右湘吳子綺園屬山僧師古畫黃

山冊子寄予爲六十壽詩以酬之

黃山黃海白雲開畫取芙蓉六六來三道天門三  
瀑布一枝石笋一丹臺煙霞作壽憑仙筆嶽瀆難  
生是逸才知爾竹林相待久會將舟向阮溪迴  
復見風流二阮來思君數把畫圖開炎方山水無  
黃海太古衣裳有老萊綠髓祇須餐石髓丹臺不  
用寫雲臺含毫更爲添三笑白首溪橋泥飲迴  
一松繚繞一芙蓉松似藤蘿不似松偃蓋倒生多  
至地飛枝斜出亦成峰雲林掩映皆巢鶴石笋參  
差是籀龍多謝山僧能畫得蒼髯巧作老人容



只見僧繇畫作龍何曾韋偃寫成松因生石上能  
千歲要向雲間化一峰白嶽遲分天子種黃山早  
定老人宗兔絲千尺牽魂夢何日身披紫翠重

汪右湘以銀卮爲壽詩以酬之

汪倫最愛酒仙人金屈相貽酌老春形似海棠香  
朶大色宜秋露白光新獨清未敢長中聖難老惟  
須善葆真知爾踏歌情不淺欲將潭水變芳醇  
徽州螺鈿酒杯輕偏寄烏銀接紫瓊日出一雙飛  
在手風流千載飲知名墨煙兼惠分兒女膠漆頻  
忘是友生歲歲有書還唱和天涯咫尺枕中行

奉答汪子鼎贈予六十歲之作

白頭頻得故人憐惠寄詩歌祝大年萊子妻存難  
作相蘇耽母在不登仙六旬有耳師尼父八十無  
心待渭川生日劬勞空涕淚未知何以報穹天  
墨香分惠小郎宜未學猶慚最老師蝴蝶豈應稱  
鳳子螺螄那得號珠兒九旬玉杖爭扶日兩代斑  
衣賽舞時但使閨庭多樂事浮雲富貴不須期  
嶺海相期又十霜無因笑語鬱川陽玉勾自可分  
兄弟姑射何須應帝王瀑裏雲門三洞小缸中石  
筭一天長何時邂逅虬山麓並坐談經花滿牀

答吳綺園長歌爲予六十壽之作

長句相貽及賤辰山東李白鬪清新能忘老大交



初篤雅有文章道不貧百幅兼將雲母粉十螺仍  
致墨花春弟兄愛我推吳氏歲歲音書託錦鱗

答洪雨平待臣

兄弟見壽之作

終年痛飲酒家鄰忽忽悲歌到六旬豁達豈期青  
歲客沉冥偏愛白頭人老龍未得狂言盡雛鳳難  
當妙響新兄弟參差三石笋黃山削出總嶙峋

答黃扶孟

新安耆舊在人間不住黃山住白山司馬已能千  
賦熟大春那得五經閒喬松自愛龍鱗老衰鳳誰  
慚雉子斑念我白頭依膝下賦詩頻寄臥雲關  
與君心結廿年知刪述垂名歲月遲太白狂歌人

欲殺少陵儒雅自能師長生但向文章得不死何  
須藥餌持待我雲峰三十六饑來亦復一茹芝

喜謝修五歸自高涼

久戍高涼宦未成悲歌日日答猿聲炎天少雪頭  
難白瘴海多雷夢易驚家在長干迷去馬歸乘春  
色聽流鶯新詩字字干將似一片寒光照不平

寄懷施虹玉

白門分手十餘霜不見雙魚別思長三易早明黃  
氏學一丘長守考亭鄉商歌日夕流金石漢臘春  
秋泣豆觴友教肯來南越否爲君先掃讀書牀

寄懷閔賓連

君撰黃山志



山經著就軒轅嶽不逐浮丘去學仙白首圖書消  
日月紫微文字富霞煙鄣開自得三天子雲臥誰  
爭一大年久別星霜知幾易音書難到石堂前

答修五見贈香杯

久嫌金屈雙擎重最愛香雕獨酌輕生結但知油  
速好清芬不辯水沉名瓊南買得從黎峒海外持  
來到越城開取漆箱頻贈我待將樽酒答秋清

呈武番禺

天水雄才六郡高早年頻佩呂虔刀來臨百粵多  
膏澤坐擁三城失海濤秦地風詩還駟馘楚臣苗  
裔亦離騷殷勤禮數能忘分日侍神明敢告勞

從澹翁乞蘭

新分蘭本滿庭開種自增城白水臺自是丈人能  
灌溉誰言女子好栽培花宜香柚多陰處根喜膏  
泥半熟來肯惠一盤頻割愛將憑詩句報瓊瑰

男子樹  
蘭不芳

爲張憲使壽

九月新寒上繡裳炎方易作使君霜茱萸煖壽多  
蠻酒茉莉清心滿越香姬旦少男惟孝友康公賢  
胄更文章東郊南海能爲政平格他年總未央

姬人新製琴囊贈以詩

每惜蛛絲十指縈琴囊借得自瓊瓊外鋪古錦鴛



鴛厚中襯文綾蛺蝶輕鳳尾稍寬愁更剪螺紋微  
損恨難成休教粉壁時時掛懶作幽蘭積雪聲

白鷺潭眺望

半空波撼越王臺秋水含煙晝不開海雨忽將山  
雨去新潮頻截舊潮來風吹島嶼隨龍氣月引樓  
船逐蚌胎南出虎門天險失諸尺二洋迴  
暮天風雨白鷺浮險絕三江此倒流珠海月開龍  
女帝玉山霞起蜃王樓人煙掩映桄榔嶼漁火虛  
無茉莉洲幾欲飄洋過日本白艚東作百蠻遊  
五仙樓出五羊城東盡扶胥一日程海道多岐那  
得問江門有戍未爲兵諸番與我分全險十郡憑

誰舉大名直抵金陵舟楫便孫盧往事足心驚  
番禺山抱越華樓勢似長城控鬱洲偏霸未分東  
井氣雄圖頻逐大江流抄關使者三門海進貢番  
人萬里舟舶口至今蠓鏡失西洋端恐有陰謀  
秋色蒼茫入鬢蓬潮雞喚起越王宮龍噓一氣江  
天失蠨食三秋水國空月下烹魚催婦子雲邊射  
雁戒兒童蘆花宿處無人覺跳白船輕任海風

賦得六旬猶健亦天憐

白樂天句

年高但願似慈親白首長爲膝下人六十未同蘧  
瑗化九旬應返子桑真方剛帝與經營力未老天  
留問學身菘竹詩篇教日誦莫辭圭璧琢磨新



黔婁未老已甘貧  
萊子初衰始煖人  
婚嫁少完須  
大耋酥醪多酌望  
長春先寒塞雁銜  
霜苦欲曙天  
雞喚日新蓬鬢不勞  
青女點蕙心  
方與翠娥親

送人之延綏

延綏此去謁將軍  
市口西驅馬幾羣  
地近鹽池多  
渴水天含沙磧一  
愁雲赫連山勢  
榆臺合無定河  
聲囂水分紫兔黃  
羊紅黍酒醉來  
笳鼓不曾聞  
風吹沙縐作龍鱗  
沙柳煙含霧柳  
春耕少家家惟  
黑黍戰餘處處有  
青燐受降未拓  
三城舊互市頻  
開萬帳新茶布  
好從蒙古易紫  
貂銀鼠莫辭貧  
水到邊頭海子多  
雨餘飲馬兔毛  
河風寒有酒圍

黃鼠雪凍無衣擁  
紫駝紅石飛流銀  
甲洗黑山斷  
碣寶刀磨邊人只  
解從軍樂戰罷  
琵琶唱鹵歌  
欸貢樓當馬市開  
羊絨羗尾總馱來  
關城曲曲河  
爲套烽埃山山石  
作臺柏葉柳毛春  
戴罷沙葱地  
輒暮收迴茶煙稅  
薄堪行賈博取  
蓂貂亦見才

賦得搖落深知宋玉悲

無端宋玉始悲秋  
蕭瑟長令異代愁  
楚國大夫多  
麗則湘纍弟子更  
風流美人不向離  
騷取神女頻  
從夢寐求詞客最  
知搖落早况聞猿  
嘯滿林丘  
蕭條艸木變衰時  
秋氣悲哉汝更悲  
感夢空勞天  
帝女招魂不返水  
仙師三閭哀怨多  
高弟南楚荒



淫總寓辭我亦狎狂能諷諫多慚山鬼善相思  
天生芳艸作衣裳詞賦還爭日月光楚水蘭蓀從  
此盛巫山雲雨至今香三閭尸諫因同姓千載魂  
歸爲哲王辛苦大夫歌九變沈寥天氣感瀟湘  
一代離憂寫未央無窮芳艸在文章騷經自可爲  
詩傳逐客絲來是楚狂風雅再教高弟變童蒙先  
拾大夫香大招亦解驚魂魄豈似悲秋易斷腸  
秭歸鄉裏滿梧楸宋玉悲深此地秋柹影依依漁  
父在砧聲隱隱女嬃留淚成玉米田何處身別龍  
門夏已丘臨水登山歸莫送汨羅南望斷離愁  
風高氣肅水泉清潦慄增人志不平海燕翩翩頻  
失影山蟬咽咽早無聲生悲楚地元多怨死恨秋  
天不肯明自作招辭騷一變江南哀罷有餘情  
蕭蕭秋氣滿楓林一片離憂託素琴好色只知神  
女麗微辭難得大夫深玉釵羅袖徒爲爾秋竹幽  
蘭不忍侵笑爲君王陳諷賦與師芳潔有同心  
自來南楚好才華祖述風騷始宋家漁父歌聲同  
縹緲接輿辭采共紛葩湘江水冷長含雪巫峽山  
多易變霞一自悲秋成九辯至今哀怨滿星沙

過馬佐領克起粵秀山房賦贈

一峰飛向穗城頭下有書堂傍藥洲驃騎不會耽  
蹋鞠征南祗愛注春秋朝臺古木穿雲上越井寒



泉抱石流多種芭蕉無暑入相將壺矢綠陰留  
玉山南枕艸堂偏門出呼鑿古道邊九眼泉華朝  
吐雪五層樓影暮含煙芙蓉秋到惟知醉楊柳春  
來只解眠笑道將軍詩總好辭塲戰勝勢無前

示羅

豈是羅敷定婉羅秦家好女共娥娥舊書紈扇辭  
還少新學瑤琴曲未多香髮似雲休用鬢玉顏如  
酒不須醜黃花不忍簪雙朶日夕東籬拂翠蘿  
架筆珊瑚玉作牀水巖真研墨凝香箋花字字曹  
娥小繪竹枝枝趙管長粉鏡弄餘嫌日短衣砧擣  
罷喜秋涼小姑吟諷能相伴日夕葩經在繡筐

食菊

白苦黃甘早已知生餐好及歲寒時落英不落真  
惟汝香國無香總在茲瘴地豈愁南雪食炎天那  
得早霜欺朝朝采摘當籬落未有忘憂酒滿卮  
食盡枝枝白與黃鮑焦蔬好讓芬芳終年灌溉圖  
秋飽最早栽培爲晚香味苦不妨蟲蟻避影孤那  
代李桃僵梅花至日勞相伴佳色參差映壽陽  
烹淪甘酸任意餐仙人服食不曾難芝華豈是療  
饑物菊蘂繇來久視丹九日色同高士醉三秋香  
爲逐臣寒芙蓉墜露長兼飲高潔如蟬取自歡  
己巳臘月十三日家慈大人八十有六生日



恭賦

八旬有六老親年杖國嬰兒在膝前孝子身終須  
大耄貧家養薄只荒田諸孫酒饌爭擎案三婦衣  
裙競上箋乞取桃花向玉母更分長壽小銀錢  
麻姑白髮七朝身帶閨參差已九旬門下三千醜  
酒客堂前六十弄雛人紛紛髮鬢教扶手一一酥  
醪要入唇孩笑未知吾老大萊妻少艾亦忘貧  
家貧謀食計元疎日日妻孥作白魚養志已成高  
尚士娛親更著外家書白頭多事惟調藥青歲無  
才枉斷裾漢代孫嵩吾得似康寧有母百齡餘魚白

卽蠹魚也

己巳歲除作

避地飄搖未定棲貧家骨肉滿中閨去年左氏三  
媛在明歲商瞿五子齊梅實早從冬至結鶯雛休  
待立春啼街頭花勝無錢買黃口牽衣向小妻有

三女今夏喪其小者阿端

春來依舊未陽和生事蕭條罷嘯歌孺仲妻孥花  
絮少韓康母子藥丸多梅葩似雪嫌紅甚艸色如  
煙奈綠何歲暮苦寒暄暖日更無名酒使顏酡  
未辦肴蔬守歲盤小除兒女有餘歡東風向臘頻  
開凍朔雪含春不作寒碧玉甘貧能啜菽青琴善  
病未徵蘭蓬門不識年光早剪絲鶯花夢裏看



示姬人

紅粉春當冰雪容看如桃杏倚寒松夢吞南海初  
圓月歡得公沙第六龍中饋祇知馨夕膳女紅惟  
有佐晨春萊妻未老能恩汝逮下螽斯是禮宗  
白華無欲益芬香六十年華又一霜居士未霑紅  
菡萏丈人已足紫鴛鴦睂開五嶽雙蛾秀掌出三  
珠一樹香恭敬好同裘褐婦先將甘脆進高堂居士居  
句謂維摩天  
花不著也  
當酒珠釵久未還山葩占斷綠雲鬟三春大婦蠶  
桑裏百歲威姑几杖間么鳳香收雙翅滿鬱雞花  
點一身斑織蒲愧我傷仁甚日暖風和總不閒

庚午元日作

銀燭高含曙色光天雞聲裏見東皇乾坤未毀終  
開闢日月方新尚混茫兒女參差從小起杯盤次  
第進椒香欣欣舉壽慈顏喜有道曾孫滿北堂  
歲朝頻獻萬年觴令節三元此日長夜半已知周  
正朔年深猶記魯春王白頭金勝來瑤水素手椒  
花出洞房作頌更同劉氏婦慈容相映有餘光  
鶯向開元已弄歌風光一倍在巖阿萱花日暖幽  
香滿樛木春深茂蔭多紅恨櫻桃頻作子青憐楊  
柳欲侵蛾雙成萼綠東西侍王母偏憐是婉羅

最少女  
名婉羅



小大同歡及上春蓬門雙帖畫雞辰湔裳士女非  
荆俗戲水魚龍是漢人耳順過年方一日家貧遇  
食未三旬憑將嘯詠除衰老莫負開雲令節新

於庚午

籠蔥得到杖朝無日日閨庭卽玉壺方朔未衰頻  
仰乳老萊猶穉更將雛饑同食字神仙蠹凍似啼  
霜子母烏一片春暉那媚得油油草色羨薜蘿

庚午重爲墮地人愁逢烈帝第三春生從十五  
無君父罪有三千是子臣一日雞豚猶逮母平生  
犬馬未違親早孤少得先公教報答慈威恨不辰

庚午崇禎三年

### 送人入巫峽

看殺芙蓉十二圖黃牛朝暮一人孤生當絕峽誰  
求女化作名峰亦望夫辭賦不愁遷客少夢魂得  
似楚王無香溪更與高唐接莫弔明妃淚似珠

十二峯首飛鳳次望夫

### 送人往長白

長白山當寧古西秋深雪壓一天低泉飛早作三  
江大雲起時將萬木齊寒射驪貂弓力勁晚呼馳  
鹿角聲淒仙靈定指多葭處五葉三稜采不迷  
天將長白作長城東界龍荒接北平萬里沙含黃  
雪影半空風亂黑松聲魚皮衣服關前部鷗羽穹



廬島上兵汝向林間尋楛矢射生知有野人迎  
過林子本茅艸堂奉答見贈之作

城東勝地是長塘汝作枹坡一艸堂蘭蕙不教花  
箭少荼蘼肯任露華香依依白首惟春色隱隱南  
朝祗夕陽念我多情同庾信平生蕭瑟在辭章  
開徑相招喜地偏因君來枕素琴眠黃花有節忘  
甘苦白酒無心問聖賢山色每含朝雨冷海光時  
奪暮霞妍貧中自得新詩贈不覺蠲愁涕淚邊

杜鵑花

杜鵑開及杜鵑啼朶朶猩紅踏作泥望帝春心煙  
雨外蠶叢故國夕陽西將歸有客愁三峽再拜何

人憶五溪血灑至今花瓣溼鶯銜不忍過香閨

三水舟中

青山一路翠沉浮雨過潮生競放舟賀水東趨西  
水去綏江南入北江流半天花發斑枝樹三月紅  
開荔子洲昨夜黃魚隨電至野人拋網徧沙頭

代呈某觀察

新開憲府尉佗宮三郡宣威露冕中南國總教陰  
雨遍東方元與歲星同干旌自可來姝子風雅誰  
當和召公燈火滿城歡士女爲君歌舞袞衣風

集梁季子齋分賦得魚字

故人有弟鳳城居門外寒塘洗藥餘苔色冷含丹



嶂影花光晴出綠天書香鮓正美櫻桃頰紫荔兼  
來翡翠墟語我甘灘垂釣好潮平潮落總多魚

席上賦得甘灘鮓魚限魚字

甘灘最好是鮓魚海日山前味不如絲網肯教鱗  
片損玉盤那得鱠香餘多慚食飫先王母敢恨嘗  
新後老漁四月金錢人競擲未應黃頰當園蔬  
灘下肥過灘上魚罨中潑刺泝流初冰鱗觸損烹  
無及玉筋殷勤食有餘三月亂隨西水下九江爭  
向北山漁嘉名更得三來好爲惜膏流作網疎

鮓魚以罨取之灘下鮓魚以大網取之罨小一罨  
僅得鮓魚一尾以灘小不能容大網也九江堡名  
海日山一名偶山在九江堡江中最多鮓魚然其  
美稍遜甘灘鮓魚一名三來言以三月而來也

爲陳封翁八十壽

青絲角髻貌如桃桃得綏山已足豪卞氏六龍忠  
自教淮南一老節誰高含精白兔依神藥飲乳仙  
人代玉醪黃髮不須憂國計豕君啓事有山濤

爲九十有一歲黎門陳節母壽

六十三年失故雄吾家壽母亦相同九旬又得春  
秋一百歲長居燕喜中黃鵠貞良如魯女白華芳  
潔有孫嵩天憐守義教難老紺髮垂芬入管彤

秋雨

瀟瀟半在夢魂中爽氣吹來不待風搖落未應悲  
澧浦蕭條且喜到梧宮香開夜合花爭白色亂朝



霞葉欲紅溼盡葛衣涼欲透一尊須向畫欄東

贈同庚叟

陰陰萸荔兩村連鄉里衣冠愛汝賢與我同生  
光廟後無人獨在上皇前陶公親戚多情話白傅  
耆英少昔年難老不妨耽飲酒相過時醉綬桃邊

贈家將軍

吾家一派在遼東世世蒙恩作總戎子姓有君承  
將畧威名此日掃蠻風石城笳吹三秋咽炎海樓  
船萬里空念是連枝歡不淺經過頻駐玉花驄

壽龔給諫母蘇太夫人

令子循良擢瑣闈斑衣恩賜五時衣辭朝暫與鶴

鸞別拜母頻爲鴻鵠飛諫果秋含朱實大慈萱春  
映白華肥黃門獻納相須甚早奉文宣向紫微

答姚叔煙

晞髮曾攀落雁臺朝從玉女洗頭來金天肅殺三  
峯出玉井清泠一鏡開白帝宮前逢賦客

王山蒼

龍嶺上把離杯狂歌道我時時醉舞向仙人掌上  
迴

燕市悲歌落日昏故人

陸冰修

相見念丘樊無情沮

溺終忘世有恨屠沽未報恩鴻雁暖先南雪到牛  
羊寒作朔雲屯籬間紫菊能過賞爲爾殷勤具綠  
尊



贈增城冉明府

咫尺羅浮兩縣分  
增城煙雨博羅雲  
重來鮑靚三千歲  
復治朱明四百君  
白水化將膏澤下  
桃花吹作杜蘭薰  
春臺只在春岡曲  
父老仁聲處處聞

有瀑布名曰白水

贈前裕溪張明府

時在增城幕

秋色淒清白露前  
知君拄笏鳳臺煙  
浮山來作羅山客  
葛令行同鮑令仙  
生日登高逢令節  
平時止酒足新篇  
淵明自昔憐重九  
采采黃華復汝賢

重至何仙姑壇作

逍遙愛向女仙壇  
玉井真同華頂看  
氣湧天花三

竇小光含雲母一泓寒  
無煩冰雪求姑射  
解飲清泠卽大丹  
素縷金瓶爭汲取  
莓苔休滑碧欄杆  
蓬瀛只在相江潛  
羽化雲含少女姿  
石鼓虛無被髮影  
玉盆蕩漾洗頭時  
無多水碧金膏訣  
絕妙芙蓉白雪辭  
終古仙靈多閨寂  
笑他香雨逐瑤姬  
鳳子初生卽羽翰  
龍孫未老已檀欒  
月中自解飛金鏡  
天上何勞墜玉棺  
萼綠早歸瑤水去  
麻姑時上石樓看  
阿瓊漫把簫聲寄  
吹徹籠篋夜夜寒  
瑤壇東北是羅浮  
仙女殷勤爲二樓  
飛雪不教蕭史贈  
采珠那與宓妃遊  
紛紛作使來么鳳  
一一翻飛向藥洲  
輕舉只須能服食  
羽人何必問丹丘



少好仙顏旭日紅丹成早遣密香通龜臺太妙依  
尊母鳳笈青真掌小童故宅秋餘金井月荒臺夜  
引玉簫風自慙玉斧猶尸濁未得攀鸞上碧空

增城萬壽寺乞取丫蘭之作

僧多蘭蕙作花師乞取離騷第一枝葉短花長爭  
尺寸春黃秋紫間參差焦岡樹色含霜早丹井泉  
香出雪遲莫笑湘纍哀窈窕頻來只住女仙祠兩子

至增城皆寓何仙姑壇側

丹丘白水勝瀟湘最產丫蘭莖葉長有地欲求香  
祖種無金枉入女花鄉皆知服媚尊王者更善栽  
培出上方及此秋分分數本爭貽野客作歸裝為蘭

香祖一名女花增城人以種丫蘭為業非兼金不售

送李浣廬使君之湖北方伯任

三年聽訟已神明愛士風流更擅名齊相最能知  
石父魯人那得日荆卿頻為岳牧過南楚遂使臺  
門隔玉京一片恩波珠浦水中含鮫淚送公行  
高義雲天世所希殷勤解網鳳銜飛青蓮自得汾  
陽愛白屋惟將公旦歸師保炎方長服德藩屏楚  
國夏宣威袞衣不為東人處盼望遵鴻淚欲揮

庚午季秋六十有一歲生日作

婆娑膝下舞衣迴老子還童作少萊尊母九旬顏  
並駐烈皇三祀曆重開予生崇禎三年芝華總作西王



養萼綠全充侍女才  
鴻鵠翩翩需羽翼  
商顏莫使子房來

六十嬰孩九十親  
殷勤阿母與長春  
生兒幸匪神仙子  
養老歡餘潔白身  
朔雁偏知霜信早  
涼蟬更得露華新  
還遲四日方重九  
且掇秋英滿飲醇  
年來益作古沉冥  
亦學鯨魚吸巨溟  
地有醉鄉畱老大  
天生酒德與仙靈  
江城遠映魚雲白  
海閣高含蜃氣青  
童稚滿前爭上蓋  
二豪在側似螟蛉  
夢寐羲皇獨旦人  
弱年時已作遺民  
先生何許知元亮  
男子其誰是富春  
初度只今忘甲子  
嘉名在昔愛庚寅  
楚丘方少多神智  
未欲人稱踰六旬

奉和惠州王太守除夕禩感次韻

露冕朱轡出惠陽  
行春處處動如傷  
白華篇裏懷尊老  
碧玉琴中見古王  
已有兩岐開秀麥  
更餘一浦作沉香  
休驚四十專城晚  
守歲湖山且一觴  
旌節南來萬里遙  
羅浮仙客夢相招  
袁宏山疏多靈祕  
鮑靚丹房未泯家  
地有朱明開洞府  
天餘白首在簞瓢  
思同玉女隨雙燕  
莫笑麻姑髮至腰  
送人歸吳興拜母

罨畫帆歸幸未遲  
高堂相見妙顏怡  
庭開蛺蝶仙靈扇  
戶拂蠨蛸子母絲  
服賈休爲南海客  
求仙已得葛洪師  
采蘭朝夕兼魴鯉  
莫但清齋白首時



前制府吳公以生日往羅浮山賦此寄壽  
浮丘已作謝公墩復把羅浮當漆園蝴蝶未過仙  
客洞梅花先向美人村八年節鉞宣猷苦一日壺  
觴養拙尊好著稚川篇內外矐真天裏得真源  
生朝競望老人峯天壽還應格九重且復浮沉珠  
海日何妨上下玉淵龍心開瀑布三千鏡夢落芙  
蓉四百鐘賭墅只今須太傅肯教巖壑得從容

陳守戎招飲同王陳二君分賦

芙蓉結子水蕉開照客何須火鳳來白日畱人雙  
玉貌長星奉汝一金杯孫單定有餅侯賞都尉休  
虛劔客才賓主孤兒憐好在相逢不用哭龍堆

庚午臘月丙寅舉第五子阿需值慈大人

八十有七生日喜賦

又舉商瞿第五兒方開大母壽筵時婆孫共物齡  
應與父子同庚命可知朔雪不須迎臘早南風好  
爲送年遲梅花笑向高堂道雛鳳生多鳳未衰  
豚兒天易與貧家老蚌多珠未足誇五子已能如  
栗里六龍應得似公沙三年結實桃方少七十生  
梯柳更華分授劉殷經各一儘教兒女作侯芭  
鏡裏微霜兩鬢侵庭闈婉變老逾深六旬單豹嬰  
兒色五十重華孺子心花燕教雛長繞戶籜龍齊  
母每穿林今朝又應熊羆兆夾室嗶嗶有泣音



三舉曾孫又一孫一年嘉慶集慈尊麻姑煉黍成  
珠易阿母栽桃結子繁九歲應求王氏嗜百齡未  
畢尚平婚呱呱最是忘憂物況復蘭房滿樹萱今歲

仲弟之子明同舉一子其陳氏女舉一子  
季妹之張氏女舉一子故云三舉曾孫

### 送王礎塵之贛州

白頭吾友漸無人君去臺關失所親歸雁聲催南  
海節落梅香待建安巾雲中冒頓頻乘月雪裏花  
門未動塵到日鬱孤當小歲羊裘先得漢家春  
新春章貢莫淹畱亦向中原作遠游黃帝豈從狂  
屈問真人應向野王求絳衣日照長無夜白髮風  
吹更不秋書信早傳南越客相思一慰鷓鴣愁

丙子季劉以歲除生日承王君礎塵賦詩見

### 貺率次元韻奉答

令嫺生向歲除時正值瑤林雪滿枝早得雙珠歸  
鳳掌長描五嶽在蛾眉千金未作編蒲笑一日從  
無采葛思與妾糟糠俱不厭典釵方取酒盈卮  
能生梁女惟西粵解配徐卿必季劉螺黛香分鸚  
鵒研牛衣暖作驢驢裘桑林莫祝蠶雙繭梅上休  
饑子七鳩歲歲壽杯連守歲先春一日勝先秋梁氏

綠珠生博白季劉  
生昭平故云西粵

### 辛未元日作

衣冠元會繞君姑歡笑庭闈好盡娛男女尸鳩新



七子弟兄荆樹老三株宜春帖戴連金勝長命杯  
浮點玉酥膝下盤旋雖甚健未容西去挽天弧  
六旬有二據鞍年窮苦真能老益堅白帝自辭都  
布後赤家誰奮大冠前夢腰銀艾長垂地思作金  
標更柱天未許稱翁當此日英齡高密正齊肩  
兒女雍和滿內庭綵衣嬉戲卽仙靈秦家弄玉餘  
雙月竇氏聯珠且五星瑶艸先春含雪豔銀花不  
夜吐煙馨桃湯獻罷催桃葉天姥扶將下幔亭  
去臘陰寒失物華南中盡道似邊沙未知素雪非  
冰凍却把紅梅當杏花獻歲啼鶯纔一樹開春落  
葉尚千家高堂早起當窓數六萼參差吐蜀茶

上日裁詩興有餘一年花發絲毫初身當軟節同  
眠柳貌值靈春似立蘗胡廣親傍無几杖陶潛人  
外祗琴書甘貧最易康寧得樂在簞瓢敢不如  
昔類紅蓮今白華未慙明鏡尚含葩還童豈必驚  
淮苑祭酒應能壯漢家違雪鴈猶依海嶼負冰魚  
已上湖沙風光先向騷人發多作瑤箋染綺霞



翁山詩外

卷之十一

五言排律一

舉嶽百韻

番禺 屈大均 撰

至道生元氣神山結混茫靈胡開舉嶽少皞主秋  
 方肅殺清天地明禋恪帝王軒遊受圖錄虞符會  
 衣裳萬壑懸河漢三峰壓雍雍梁冠危司寇立鼎聳  
 紫微妨井鬼精相接嵩衡影在望輪牙千仞闢峪  
 口一夫防垂峽天如練橫谿石作航樹陰交茂密  
 泉響擊砰磅太素芙蓉發真源玉井藏雲霞天四  
 塞渾沌帝中央千葉擎珠闕三花滴玉漿蔽虧秦



日月照映漢旂常疊巘森堂奧攢霄亂劔鋌潼關  
收虎踞沙苑放龍驤表裏金城擁縱橫錦幔張我  
來凌百二仙舉出陰陽霧入張超市風窺玉女房  
胸襟披早爽吟咏寫清商踴躍牛心谷徘徊古栢  
行一天通箭括九地出車箱鑿翠成飛棧嵌空作  
曲堂鞠躬過榻嶺垂足度懸崗自汲憑雙綆人騎  
向一梁竇中穿窳窳阪上躡毫芒慘澹愁春靄淒  
寒怨曉霜屬厓頻覩耳沿澗幾迴腸聶屬扶天柱  
滂沱哭帝閭小心恒惴惴高視每洋洋但使玄都  
達安知玉趾傷歌翻風浩浩渴挹露灑灑壁笑飛  
猿墜龕憐白鹿翔憑虛驚禦寇履險貌瞿塘舞袖

迴高掌琴聲挑玉姜蓬壺雖自引溝壑未曾忘八  
極閒揮斥群真凜拜颺懷柔思哲后宰割試封疆  
金主驂烟至甄蕭向日粧霓旌互摩盪鸞節共趨  
躡光彩紛離合忠誠一贊襄神京鐘鼓在王母簡  
書將遺璧傳龍死拳蘋吊國殤爲旒師蠹蠹如帶  
恨湯湯寤寐宗周久經營陝服長商顏猶繞雷渭  
汭且浮觴禾黍哀何及干戈命靡嘗西昏逢昧谷  
東旦想扶桑勢蹴中條裂流傾星宿黃真形含菡  
萼盛德見圭璋秉矩三公穆生華庶物昌萬巒朝  
落鴈半榻臥修羊鬱鬱莎羅木陰陰罨畫廊香爐  
氛霏靄金檢色輝煌奧府長司命中華此扼肱嶠



陵接風雨蒲阪列屏障瀑布瓊長建桃林甲莫當  
逡巡還六國約法待三章昔我□明高帝興基邁  
古皇齋心恭默後飛夢削成傍聖藻輝巖岫文思  
格昊蒼蔚收迎羽葆白虎奏笙簧社首遲封禪華  
胥享樂康天威瞻咫尺仙樂聽鏗鏘繞指潛幽阜  
攀髯墮大荒壺公暫肥遯箕子久佯狂戰陣存棋  
石璣衡運算場瑤臺何偃蹇姣服自芬芳躡捷時  
爭鳥超騰或射狼鉤梯窮上下博箭賭興亾有母  
悲三北無人繼一匡季龍偷玉版交甫失明璫丹  
笄干雲直青柯拂雨涼坪前三輔小谿底四州強  
太白皆孫幹岷峨是女墻終南相倚伏雷首乍低  
昂霰雪秋頻冷芝苓夜有光雲英堪沐髮石馬欲  
施韁絕頂誰盤礴明星獨頡頏丈夫臨乳洞童子  
執油囊不死何須藥無生自有鄉淵明難止酒弘  
景早休糧姑射真冰雪神堯亦糝糠洗盆通渤海  
御道跨欒槍同澤紛毛女承旂儼鳳皇波濤奔楚  
鄧蠖蠊化氏羗豐鎬勞經緯崑崙賴紀綱孤根標  
不止變態浩難量赤縣今淪沒黃巾昨擾攘鰲吐  
坤軸動狐嘯盜兵倡發憤吾安在飄零道不祥思  
從柁檜麓永解蕙蘭纒構宇仙人砭移家天子鄣  
犁溝種瑤草劈石佐神香鵝首天方醉蛾眉世不  
揚將軍枯落落太上水泱泱但自調干羽何煩缺



斧斨聰明歸峻極，膂力養方剛。申甫鍾何晚，桓文履未臧。希夷不蟬蛻，更掃讀書床。

### 留別傅應州

鴈門橫代郡，龍首跨雲中。霸氣沙陀壯，邊謀主父雄。黃花開嶺北，渾水遶城東。歇馬斜陽盡，懸軍古戍空。賦成投太守，繻棄識終童。清夜壺觴合，高秋射獵同。黃羊行美酪，紫兔落雕弓。塞色臙脂暗，邊聲鬻築通。鍾靈尋鳳井，駐蹕問龍宮。漢帝巡沙漠，天威起大風。州有佛宮寺爲一塔建自遼清寧三年武宗駐蹕

成祖御筆題峻極神工

宗題天下奇觀各四大字

昭回垂聖藻，峻極

嘆神工。誰造千華塔，真疑一柱功。榱梁爭翕黍，戶

牖競玲瓏。層構如樓閣，孤標亦華嵩。針芒先不露，斤斧後應窮。甲子完顏記，瓶沙大士聰。參差無接笋，紆曲似垂虹。萬象金波麗，諸天翠靄蒙。登臨收海嶽，指顧盡羌戎。茹越連疎木，桑乾起暮鴻。使君饒逸興，賤子一悲翁。暫握青霄手，全披皞日衷。草書追內史，詩序託孫公。白晝絃歌洽，陽春雨雪融。清揚憐蔓草，奇響愛焦桐。關隘逢天險，藩屏賴爾躬。微言能玉振，大蒐必車攻。厲聖惟狂狷，從龍自鎬豐。交情存寶劍，岐路指花驄。愁絕頻分袂，陽關唱未終。

鴈門關與天生送曹使君返雲中四十韻



趙塞樓煩北秦城句注東天懸雙闕峻地壓九邊  
雄陰積龍堆雪寒吹馬邑風關雲迷白鴈江樹憶  
丹楓憑眺貪形勝追陪得鉅公醉揮軍幕酒吟送  
使臣驄事業悲流水文章慰轉蓬詩亾宜發憤年  
長已成翁李子才何傑曹侯道故通頃篋開樂府  
袞繡麗天工清廟朱絃似西京大璞同神人欽唱  
嘆雲物接昭融好我貽金石遊仙問華嵩勞謙能  
罄折駕馭必車攻阮籍沉酣後梁鸞賃作中市塵  
藏遠蹈毫素託深衷正始音相應延陵聽獨聰黃  
鐘驚靡曼香草拾童蒙出處忘陳迹箴規向薄躬  
金丸當穉鳥玉軫飾焦桐化理論無始交情勉有

終烹魚須漑釜射虎爲張弓飛將材無讓宗周夢  
未窮宣威聊鎮朔賜樂在和戎鉅鹿藩京邑飛狐  
扼代宮孟舒惟布德蕭相肯居功吾輩慚狂簡君  
心愛朴忠春秋存草野黃老謝鴻濛赤鳥堪隨旦  
丹砂不問洪乾坤雖朔漠日月自房櫳別緒紛春  
霰離憂急草蟲揚旗過廣武倚劔失崆峒鏡吹桑  
乾遠臺門北嶽崇黑河霜慘淡青塚草朦朧願寄  
沙陀札來招桂樹叢白登思繾綣陰館恨倥傯遼  
后妝樓古蘇卿廟貌隆五言冠冕在一代舞歌空  
饑渴依殊域精靈格上穹何當清渭獵車後載蜚  
熊



壽尹太翁二十韻

二嶽羅浮峙三門漲海通神仙多窟宅造化在房  
櫛大老元姜父真人是尹雄角應生左鬢光已轉  
方瞳井有丹砂汁堂多桂樹風兵鈴開大鯉王獵  
待非熊往日爲郎早籌邊奏草工老臣方祭酒令  
子謂銓君巴傳弓璞玉人難器鹽梅望正崇今朝持  
大斗與客上新豐所居名新豐里柔色思春草精心格上  
穹靈芝宮闕似巨棗瓠瓜同玉杖敦三老丹經得  
八公笙詩尊絳萼舞曲艷驚鴻物貴珊瑚市人歡  
蒼荀叢鷓鴣峰拱北蝴蝶洞朝東南雨滴黃旗翠花  
流碧甲紅燈臨長自樂吟咏晚逾攻神器須黃綺

名儒必馬融願言願養備與道共無窮

山澥關

一線巖關在神京此大門潮聲吞渤澥山勢接崑  
崙獨扼遼東吭深盤碣石根黃榆連漢壘白草帶  
秦垣頃者遭龍戰諸尸起虎墩乾坤歸大漠鎖鑰  
失雄藩枉設西洋砲頻降上將幡花門空飽肉青  
塚不歸魂日向雙笳落雲隨萬馬奔我來繻屨棄  
誰見節猶存鴻鴈虛驚箭驂騶正伏轅雪花千里  
捲旗影兩河翻天險嗟如此九泥莫可論徒憐徐  
國烈辛苦爲中原

過吳不官草堂賦贈



今日東林社遺民半入禪君棲洞庭館不異虎谿  
 邊斂性成幽石行歌徹紫烟門臨響水澗家有梅  
 花田橋柚香無數楊梅紅更然琴書開暖日雞犬  
 散晴天竹笋穿苔小銀魚入饌鮮采蘭陳膝下弄  
 鳥向堂前昔我滄洲祖人稱萊子賢高堂過百歲  
 白髮奉雙仙孺慕今惟子南陔復有篇白華朱萼  
 好相贈兩流連子高祖滄洲公行年九十奉百有  
 六十一其兩尊人皆八十餘歲故詩及之

為頻陽田先生八十壽

河華英靈聚西來氣混茫奧區先渭汭沃野更頻  
 陽有美雄京兆田公負令望宗周傳禮樂西漢紹

文章小邑牛刀試空山豹霧藏采芝從地肺晞髮  
 向扶桑昭代留耆舊中年謝霸王耦耕檀柘裏獨  
 釣漆沮傍攬德鸞難下含精柱自芳白雲橫陸海  
 瀑布落崇岡八十春無盡飛騰興欲狂無為真藥  
 餌不老是壺觴姑射元冰雪神堯亦批糠嶽蓮標  
 玉井仙掌注寒漿骨髓年來紫瞳人日以方里閭  
 欽几杖髦士奉圭璋令嗣生民秀賢書上國光詩  
 稱花萼鞞舞拂綵衣長雉子斑何極龍媒蹠未央  
 神人和唱嘆廊廟肅趨踰深愛存顏色清歌祝樂  
 康萬年松偃蓋九子鳳吹簧烟疊荆山陌溪盤殺  
 羽鄉老人南極燦王者澤蘭香四皓空貧賤中華



靡贊襄星遲東井會風待赤旂揚拾穗中田露披  
裘九月霜老成爲國獻久視比仙彊世變遷陵谷  
人閒足稻梁麒麟逢孔父蝴蝶化蒙莊至道遙相  
契蒼生定不忘他時清渭獵車後載君璜

粵臺懷古

百粵稱天府雙臺眺碧空海吞南武郡山枕趙佗  
宮珠市鮫人集金門蜃氣通潮飛千嶂白花映半  
天紅遊女雲邊艇都人果下驄洲形斜偃月草色  
遠含風笛弄沉香浦觴浮桂樹叢衣冠分建業井  
里比新豐久變蠻戶俗長懷割據功交州元險阻  
越尉亦英雄黃屋扶桑下朱旗旭日東秦皇難再

世項羽枉重瞳虎視曾何益龍興自不同匹夫休  
叱咤三傑正和衷卒致殲垓下何妨王漢中任囂  
謀畧善陸賈笑談工立國聊乘亂稱臣遂効忠春  
秋朝袞冕關塞罷兵戎翠羽鳴浮嶠繁葩落刺桐  
仙靈多窟宅芝朮勝舉嵩五嶺堪棲隱中原尚戰  
攻寧求勾漏令早作浣花翁三寸畱侯舌千鈞李  
廣弓飛揚心未已導引術無窮月出扶胥樹霞橫  
朔漠鴻騎羊人已去舞劔曲初終踪跡雖飄梗精  
誠每貫虹言尋廣成子長嘯上崆峒

泰嶽

玄黃相噴薄氣結金銀峰青帝行春令中天作岱



宗鮮霞亂滄葉初日上芙蓉御道盤三觀虛壇倚  
五采無人探玉牒獨自聽霜鐘樹接蓬瀛近雲遮  
齊魯重明堂留漢跡梁父失秦封瀑布橫天白桃  
花帶露濃仙人飛不下玉女笑相從縹緲星河外  
迎予一白龍  
濛濛巖洞裏元氣有周秦萬物生青帝羣峰拱丈  
人天鷄呼日早仙闕出雲新濯髮攀河漢冥心見  
鬼神琴聲流衆壑劍彩繞孤身長子惟南面天孫  
有大春命長凝木火精已作星辰雷以三陽壯龍  
於正月屯望中愁繫練行處想扶輪忍使乾坤失  
蒼茫淚滿巾

西安別沈太史

有序

太史聞予登嶽賦詩至數千言歎爲曠世奇  
男子相見西安情意甚歡浹旬而予往代州太  
史亦還京邑知己難別辭旨纏綿因並述其先  
人道學以爲贈云

北斗秦城直南山漢闕連龍興三戶日虎視八州  
天往事浮雲裏遺基蔓草邊二南王道蕩四塞地  
形偏設險資豺虎居中憶澗瀝深仁垂百世大義  
劫千年弔古心空愴逢君賦遂傳焦桐頻並瑟老  
驥漫當鞭霹靂中郎側飛揚伯樂前交情忘出處  
世態苦推遷吾道宜貧賤斯人亦市廛君公牛自



僧叔夜鳳難騫愛爾南邦傑今時太史賢石渠昭  
著仁梁苑荷陶甄雨膏曾分陝謀猷迥濟川青雲  
雖奮發白屋更周旋玉笛胡牀弄襜帷大道塞右  
軍神曠曠洗馬與翩翩捉塵驚河漢揮毫慘霧烟  
草書團扇重誤點畫屏妍恢廓承家學精微在研  
田而翁垂素業當世奉韋編經術尊劉向詞華老  
伏虔明堂遺太玉清廟舍朱絃金石商歌出蘭蘅  
楚佩鮮鄉人修俎豆弟子典牲牲大厦崇堂構名  
山肅几筵孝思誰不匱善述汝無愆台輔寅恭後  
人倫表帥先舉觴稱雅頌把臂向林泉別緒章臺  
結離憂易水懸出關歌不已折柳意凄然白馬東  
之代黃金北赴燕灞橋分手處相望在貞堅

代贈王海憲十六韻

南武稱天府城臨百粵雄山川多霸氣割據有遺  
宮夫子來開府諸侯早避驄宣威鮫浦上秉憲象  
林中界柱勳重建戈船策更工夷吾籌煮海越石  
賦扶風上郡君廷安人多豪傑橫行獨乃公神靈鍾太  
率劔履下崆峒豹變真君子龍驤是阿童年時冠  
獬豸衮職補華蟲謨似皋陶告詩將大夏通鼓鐘  
開板屋琴瑟待焦桐吐握符姬旦仙靈問葛洪作  
人持玉尺求士得冥鴻愷悌垂天德神明作聖功  
願言逐裘帶長在藥洲東



賦贈秣陵某方伯

南國當珠斗東山得衮衣開藩龍虎地敷政帝王  
畿召伯多陰雨君陳在紫薇歸心先白屋入夢卽  
黃扉海內難藏富朝端有作威蒼生瞻岳牧令子  
贊庭幃孝友陪張仲文章接陸機江山三楚是花  
柳六朝非北海尊能滿西園賦不違謝公墩咫尺  
相賞及芳菲

賦送鎮安別駕

邕州千里外土府萬山中地與交南接官於太守  
同威靈千騎入德教百蠻通銀艾腰方始金標立  
未終聲詩開子女明信薦王公吹管消春瘴揮琴  
送夕鴻玉壺長注露銅鼓靜含風雨散雷高山名翠  
霞連海角紅懷人東莞遠平佛日南空四塞當天  
險三年奏土功佇聞神雀下褒語出深宮

代挽楚撫軍

形勢推荆楚朝廷倚棟梁安危臣弟在眷注帝心  
長北闕懸黃鵠南樓啓武昌綢繆多牖戶鎖鑰幾  
封疆梁木俄然折連枝更可傷精靈憑將士涕泗  
滿湖湘文武今誰憲神明夙自強猷須元老壯兵  
以丈人祥七載忘裘帶三年缺斧斨瘡痍猶未起  
衽席總多方殺氣愁金齒妖星恨火房推心消反  
側奮臂作金湯德潤如陰雨威寒儼肅霜王侯同



汗馬父老只甘棠碣爲神君勒書探武庫藏彌留  
猶請命感激每飛章往者綏江左蒼生戀袞裳流  
離憂水旱博濟及炎荒玉七迴凋瘵金標立紀綱  
九重喉舌寄萬姓藻蘋香遂有司空命重開僕射  
堂位雖高虎拜壽未至鷹揚部曲傳兵法宸居念  
國殤觀歸遼海上舟過秣陵旁形影孤花萼肝腸  
斷鴈行哲兄存少保令子得仙郎繼述應無忝忠  
勤定不忘詔先崇俎豆勳益重旂常洲州凋鸚鵡  
山雲慘鳳凰英魂終沔鄂同氣永參商藥石那能  
視人琴並已亾家風餘白簡世業更青箱絮酒隨  
河伯雲旗指點蒼千秋友于痛嗚咽此斜陽

上兩廣制府

南嶽諸侯長東西節制同建標蠻越界開府尉佗  
宮虎拜從文祖龍驤是阿童文昌橫大帳武庫滿  
彤弓喉舌持珠斗精誠致玉虹富民應日引享帝  
巳年豐嘯咤雲雷起經營土宇雄益初方大作升  
五正多功階陟崧臺峻樓懸瀝水崇炎天霜肅肅  
晴日雨濛濛蜃吐朱旗氣鷹吟白簡風垣墉那有  
隼衽席盡如熊赤舄居無外黃裳美在中鸚雛生  
八桂鳳子出雙桐客宿依牛女王基問祝融文章  
持正朔雅頌託宗工禮樂興方始春秋注未終神  
明因有道鼓舞自無窮折節先巖穴居身必舉嵩



門餘鳴劍客座得浣花翁賤子欽威重愚生抱困  
蒙恭聞三吐德願效一言忠文獻悲當世刪修愧  
在躬網羅千卷失箴縷百家通淵府推吾相裁成  
望我公敢將黃老進安用大師攻作序求皇甫爲  
金笑葛洪書繁難繡版力竭爲雕蟲桑梓憑茲荅  
權衡苦不聰自媒將拙賦應得當虛衷

閱江樓晚眺

樓在端州

水截崑臺下牂牁一大支天教雙峽束地以一樓  
持鴈塔穿窓出漁帆逐檻移飛甍交木末倒影亂  
榕絲吞吐無三越浮沉有二儀基從千仞起勢似  
一峰欹曲折霞城外氤氳露井時自成磐石固不

厭定山甲北斗爲巖穴

謂定山七星巖也

南溟在履綦暮

烟迷浦澗寒日戀軒墀爭宿皆魚翠叢生是水芝  
羚羊微積雪滙口欲流漸氣暖梅先得霜輕葉不  
知魚浮因霧大鶯囀以風遲土稅多柑戶蠻歌少  
竹枝冬乾禾稼喜歲晏杜蘭悲盱曠連西駱枕榔  
接九疑蒼梧虞帝冢錦石陸生祠海思憑騷賦雲  
愁爲別離鷓鴣催淚落蝴蝶與心期白首閒方始  
青山老更宜桑榆休恨晚吾道有餘師

至西寧賦贈張大令

一水曲穿林沿洄信幾深路從幽鳥問城向亂雲  
尋漸到絃歌地遙聞鸞鳳音政成因孝友公暇每



登臨猗女仙靈口羅人父母心花重封錦石月更  
奏瑤琴風雅持當代神明荅所欽干旌勞見訪几  
杖欲求箴作贈多葵鯉開屏有孔禽築臺先郭隗  
在幕復陳琳史氏循良傳韋家諷諫吟爲君頻搦  
管相和始於今

奉荅林木文瀧水客舍見寄之作

嘉禾風雅盛梅里更多賢特起君無敵環攻我亦  
堅才華同六代倡和得三年屢折鴛湖柳頻餐鶴  
渚蓮鶯花西子國煙雨大夫船橋李芬馨處鱸魚  
潑刺邊相知惟汝少獨立讓誰妍笋比籠葱大雛  
爭鶯鶯先明堂成大玉清廟作朱絃一自參商隔  
徒教夢寐牽蠶娘悲嫁畢浣女畏歌傳白髮重相  
遇青雲尚未然詞章光越嶠行李苦蠻州暫作羅  
旁客閒依鮑靚仙瘡痍分大藥水火出炎天陰雨  
從斑管慈雲起錦箋能招徐孺至更使主人前晝  
引龍龕山坐春畱玉枕山眠孝承名父志忠在大  
人篇莫遣廷臣薦鳴珂便入燕

韓僉憲壽詞

南越分三道樞機在嶺西臺門開石室使節出端  
谿四郡歸觀察諸侯待整齊聲華高絳闕文采冠  
金閨燕喜多山雉龍驤罷水犀芙蓉園正啓鸚鵡  
賦爭題九節蒲爲壽三珠樹可棲紛葩公讌曲傳



自大銅鞮

嚴灘作

誰佐中興業桐江百尺絲潛龍雖勿用威鳳亦來  
儀月上千峰夕雲生萬壑時那知天子貴適與故  
人期洗耳秋潭冷披裘曉露滋石華閒自拾瓊艸  
可誰貽山鬼驂玄豹桐君把翠旗客星光灼爍仙  
洞路透迤下視雲臺將高為帝者師論兵嫌呂尚  
象物得庖羲魚食惟香艸猿飛必上枝空教望鴻  
羽不使嫉蛾眉舒嘯天風起迴舟珠斗移茫茫煙  
樹外何以慰相思

過潘七丈山亭賦贈

舊釀黃花酒新開紫竹亭千杯浮大白五嶽佩真  
形晚日明高樹春雲覆遠汀家傳射雉賦客問養  
魚經天爵懷高尚仙衣拂杳冥稽康悲寡識阮藉  
笑長醒砌下迴溪碧門前疊嶂青茫茫此塵世誰  
識少微星

冬夜高峽舟中聯句二十韻

食霧嘉魚出均大含風顧兔搖衝寒從鬱水陳恭尹首  
路指高要入峽乘殘月均大依沙候早潮榜人愁夢  
短恭尹漁子恨歌遙石束牂牁勢均大山分大庾條雙  
厓高易削恭尹半壁漲難消上下多猿影均大潺湲似  
鳳簫峰畱天一角恭尹霞作海孤標化石憐貞女均大



看棋憶古樵

峽上有望夫石其東為爛柯山

羚羊潛水裔

恭鸚鵡

閔山椒

峽有羚羊風雨之際每自波其南崖即端溪水巖

白玉參差筍

大均丹砂尺寸苗霜苞開橘柚

恭尹土布卷芭蕉金渡

龍鬚席

大均瓊州孔雀翹舳舻爭入貢

恭尹洲島已全

招虎豹關門壯

大均龜鼉窟宅驕飛樓凌縹緲

塔轟雲霄建節雄樞府

大均迴巖儼斗杓黃門喧鼓

吹

恭尹赤社盛弓弨膾鯉筵方啓

大均羹梅味正調野

人趨燕喜

恭尹竟夕命蘭橈

走筆奉荅湖州徐蘋村司業見贈之作用元

韻

吳興山水地茗雪美無雙有客從天日來遊至海

幢

海幢在廣州城南

徐陵人望重司業我心降日藻流金

薤雄談倒玉缸篇奇爭二舉句險奪三瀧

在樂鳳

味

君硯名池教染龍文鼎許扛才真金馬朔跡豈鹿

門龐肯度金芝澗

即安期蒲澗

還穿石笋砭

坐應陪塵尾行定刷風鬃果下蠻奴犢

似安期巖嶺南有果下犢牛

花邊小蛋艤東尋黃木浦北指白雲淙

城北有陳雲

忠公雲淙別業花汲佗王井巖窺鮑女窓西番蓮灼灼南

漢水泂泂

城北有泂泂水為南漢主泛舟之所

霸國餘啼鳥仙家但

吠厖忘歸頻燭秉不寐任鐘撞鄭氏元多酒

謂主人鄭

史太潘家亦有江

謂座上潘太史

賓休辭斗石事可照鄉邦

貝葉開芳樹梅葩吐古椿無言偏玉振有道自金



縱陸賈光揚越相如重冉駮風流誰更擅文采世  
多隄黑白絲千縷玄黃血一腔祇須簫婉婉更用  
鼓逢逢陶寫無昏旦蘭膏注滿缸

春日廣州西郊遠公禪院登樓悵望有作

芳華南漢苑十里半陂塘菱藕家家美槐榕處處  
涼逢師蘭若啓畱客素琴張佛日人天喜仙雲殿  
宇光清齋冰簟設妙供玉盤將笋嫩新春雨葵肥  
隔歲霜充蔬兼野蕨作豉雜蠻薑飯白知粳米茶  
甘識蔗漿露應天女灑酥似雪山嘗一磬鳴空際  
諸禽下夕陽衆生禪悅食童子咒心香戶外稀羅  
畢畦中足稻梁鶯聲紛出谷蝶影亂過牆柳拂多

遊騎花銜少牧羊樓端臨鴈翅檻外俯魚梁山走  
斜穿海城迴曲抱岡荔枝連北郭菰米接西塲藥  
市棠梨滿花田蔓艸長珊瑚番客井茉莉蛋人莊  
一塔從蕭氏雙臺自越王丸泥難割據尺土幾興  
亾龍虎爭何益烏鳶啄可傷人頭頻作嶺馬革未  
還鄉故老猶揮涕遺軍尚裹瘡乾坤歸糞土邑里  
逐滄桑慧遠詩休紀瞿曇法好忘無心回浩劫有  
力盡慈航白社求威輦訶林得仲翔教移濠上宅  
來作灑西堂稍近東林寺閒分大士床無生那用  
學卻老儘餘方衣可芙蓉布眠須菡萏房灌輸還  
負甕拮拾更提筐暮止龜峰下朝行蜺浦傍時邀



秋水論永遣竹林狂置酒成三笑歡娛正未央

庚午初冬同諸子出廣州北郊飲於尚氏墓  
堂感懷往事有作

地脈從衡嶽南盤粵秀開城池熊海抱井邑鳳山  
迴少帝方遷國名王遽築臺衝梯朝鼓舞笳吹暮  
喧虺噴藥飛天礮穿沙震地雷力悲諸將憊心恨  
一人灰要壘西關賣堅圍北面摧頻令朱鳥塞頓  
化白龍堆律負通天罪陵辜報漢才穹閭連五嶺  
髦宿掩三台犀兕難燒尾魚龍易曝鰓肝爲蛟蜃  
膾髮作夜叉髻六角先戎首三藩卽禍胎種人俄  
痿弱征馬漸虺隕士卒思剗刃僮奴總利財盜爭

紅玉象官奪赤珠蛤反覆眞非策荒淫實不材主  
恩徒蕩蕩天道故恢恢賜爵勞丹券臨戎枉墨綬  
牲將貳師用劍使屬鏤裁頸血無人吮臍膏祗自  
災墳傾虛石榔道壞失金鎚殿瓦鴛鴦碎樓碑屨  
鼻頽火騰多寶燄煙落衆香煤颯颯餘營柳青青  
失苑槐兇殘因父子天枉及輿儻豚犬生何益貪  
狼死不回芻蕘誰躑躅熠燿自低徊鬼祝陰陽食  
魂招大小哀漆頭消怨毒飴膽爲渠魁事已當年  
慰情猶此日惟惟須傷彼狡未暇笑于愍往極行  
應復傾終勢必栽經綸屯始見左右泰方來驥伏  
吾奚老鷹揚爾尚孩乘時雖晚晚佐運豈涓埃凜



辰寒初中暄和暖早催殺機庚午盡生氣上元培  
獵獵隨風末辭辭向水隈英餐蒲澗菊藥嗅竹園  
梅金騎歡馳逐聯舟厭溯洄放鷓除短旋牽狻上  
重鉤莽密防豬箭花深怕雉媒長歌蒿里曲每奠  
國殤杯酥酪霑黃土糗稊徧綠苔射休加虓虎鞭  
只與鴛駘簪策持雙葉琵琶挾一枚歸乘娥月出  
坐引客星陪王霸憑尊酒君臣問艸萊定知需羽  
翼相助似瓶壘

詠蒿蒿花同礎塵元孝限四十韻

繁醜元多種爲蒿乃在秋長先珍菜出故爲玉蘂  
謀花好疑黃菊香真奪紫菘莖虛那作柱藥細亦

成樓十日開方足三冬吐未休抱娘枝總合結子  
跼齊畱根與茵陳宿毛隨蒞藻羞茶飴惟自識蕙  
苦待誰收臭味同三物科生各一丘爭銜驚鹿至  
勿踐戒驄遊雪逐菘苗脆風連薤葉浮臺長資沃  
土朶大占平疇老圃吾曾學圖經欲更修廉夫蔬  
未槁仁者粟仍愁菰米充親膳鳧葵佐客脩芟菱  
思屈到莪蔚廢王哀報德餅壘在承歡七箸求斷  
蔥防累母食肉忍封侯內則思甘旨閨人助毛流  
芹供從所嗜羨樹早忘憂生啖芬藹烈蒸茹翠甲  
柔濡宜紅芥醬鬻貴白茶油釀雉全勝蓼羹魚絕  
似萋吳酸兼勺藥越辣雜扶橛薄養貧逾樂清齋



疾已瘳仙方嘗繫肘狂態每簪頭正賤非田艾妖  
珍豈水齋餘餐分白兔壹養及尸鳩小物偏筐筥  
嘉辰正臘腹野情忠欲獻山句麗堪酬歛性憑中  
藥奉芳向鬱洲煌煌英弗落苒苒穎初抽金質純  
能爾陰威肯讓不心空無可拔色正復何尤霍靡  
當門側光榮滿道周濕煙朝滴滴寒吹夕颼颼甕  
抱過蒲澗畦穿接柳溝草中高易見葩外美難投  
薄卷期春餅輕澆要舊醅辛盤明日造首餽是黔  
婁

奉題惠州王子千太守羅浮紀游詩後并以  
爲贈

惠陽賢太守公暇事羅浮再作袁宏疏重開鄧岱  
遊干旄先白鹿人吏後青牛主客參雙嶽仙靈至  
十洲麻姑披露冕葛令拂雲裘五色禽時逐三花  
樹輒畱折梅毛女澗行藥羽人丘肘腋東西瀑房  
櫳大小樓燭龍鞭子夜冰兔洗晴秋水使三千擊  
峯將四百收蓬萊持一股菡萏取雙頭屢屢靈胡  
力爐錘大造愁天心窮斧鑿地肺恣雕鏤句出穿  
霞壁篇驚倒雪流盡傾辭匠巧竟絕壯夫謀半月  
交吟嘯羣賢迭倡訓體裁爭擬謝才藻總依劉踞  
石棋盤設攀蘿磴道修平拋夸父杖險用博臺鉤  
雀躍鴻濛喜熊經疾痛瘳煙嵐生翼翅洞府得咽



喉蝴蝶車輪駕籠窻曲管抽糞香來巨鳥釀酒有  
靈猴宮闕芝華割金銀艸汁投頓能餐養壽不必  
樹忘憂冲舉嫌偏早流離恐未鳩經營勞牖戶疆  
理及河溝廣置春香碓全膏秀麥疇板徭資灌溉  
輦客荷綢繆犬吠宵沉柝豚操歲滿篝泉源長受  
福碇石永蒙休玉繫三江帶珠懸十縣旒奉帷還  
象嶺拄笏更龍湫教養姑爲郡循良卽拜侯禮加  
磨鏡數情向抱關優飲御賓恆在棲遲士必按蘭  
膏供夕誦和米佐晨羞井竈齊嬰待錢刀義季求  
鵝城頻下榻鱷渚每停舟柁響知漁父琴誦識玉  
句宮商千里應清濁一時酬麋鹿鳴芳杜鳧鷖媚  
碧菽甘能珍蚌懣苦不棄菰藟卉木樛含辨蟲魚  
陸佃哀枕椰隨蔽翳翡翠任啁啾扇繪多么鳳書  
馱或果駟無防終蕙苒有慶始麩麩雉兔閒長網  
桑麻廢大蒐條風紛鼓舞陰雨重和柔憔悴民雖  
解痼瘵已尚妯神明元至道孝友亦嘉猷化燕何  
煩鮑知魚最是周願垂棠蔭大遙庇桂叢幽梁化  
吾真羨天私此一州



翁山詩外

卷之二

番禺

屈大均

謨

詞

二

名騷屑

風入松

西湖春日

斷腸人在斷橋邊  
橋斷幾時連  
無端橋斷因腸斷  
令垂楊千縷還  
牽愁裏流霞難  
滿夢中明月難圓  
花開花落總啼鶻  
淚染六陵煙冬青  
那為君王改正  
清明蒼翠連天  
多謝斜陽芳艸  
莫催容鬢年  
年

聲聲慢

聞城上吹螺

東西雁翅兩作飛樓  
江間一片沈浮  
四角鳴鳴螺



聲颯起高秋淒涼尉佗臺上恨邊聲飛滿炎洲風  
吞吐儘秦關漢塞處處含愁絕似金笳催淚與  
明妃諸曲哀怨同流未曙頻吹匆匆人馬難畱無  
邊戰魂驚起逐行營朝暮啾啾那管得一軍中人  
盡白頭

眞珠簾

送杜十五不黨返淮安

南來不憚蠻天路笑風流解作瓊州香估多食女  
檳榔蚤已消蠶蠱廢著隨人姝未富問幾時揮金  
如土遲暮恨多日佯狂功名難取筋力枉負熊  
羆悔英雄未結淮陰無伍且向釣魚臺更一竿煙  
雨天餓王孫應有意教識得城東仙嫗君去看年

少屠中有誰欺汝

應天長

江南九熟清明近紅有櫻桃裕有粉瑰花調珠葉  
襯多謝當墟人不吝下香菰兼細筍食到盤心  
爭忍消受自慚過分金錢教莫進

蝶戀花

立春

開歲炎天頻下雪梅蕊遲開凍得南枝徹幾樹天  
桃先漏洩春光已被蠻娘奪黃鳥數聲嬌欲絕  
一夕東風吹轉綿蠻舌處處壺觴閒可挈嬉遊莫  
待芳菲月

長相思

稚子



口櫻桃髻蒲桃兩兩花衫三尺高鷓雛初羽毛  
酌醑醢食香飴解乞韋孃歌楚辭春筵纔上時

又

采蓮涇錦帆涇幾曲橫穿花裏城鴛鴦處處迎  
蛾眉橋白頭橋風流那得幾春朝臨風且玉簫

菩薩蠻

一春融暖無多日愁花怨草都含泣煙雨解欺人  
貂裘典莫頻清明看漸近鶯燕來相問風已幾  
多番春殘尚恁寒

月照梨花

天气初暖簾簾都捲碧艸多情隨人近遠黃蜨白

蜨依依逐花飛

春歸只有飛花送煙輕雨重片

片風相弄乳鶯銜去休太頻頻使愁人淚霑巾

醉垂鞭

送別

口北武安樓頻頻見如花面雪絮太輕柔任風吹  
御溝愁聽絃上語聲聲怨是雲州莫更向邊頭  
臙脂紅易秋

甘艸子

香好香辣香甜滋味從郎取但得一星含自有雙  
煙吐結得伽備心還苦向欲煖猶寒牕戶長把  
山鑪藝朝暮任一天陰雨

月上海棠



春風亦要榆錢買滿蒼苔殘雪正微帶玉女祠前  
有相思未曾還債風吹去片片撩人可奈 牛郎  
不向天公貸恁年年得與聖姑會典卻瑤琴欲求  
凰玉簫難代啼痕溼羨殺陶朱貨貝

摸魚兒

東友

送春帆聖湖歸好苦寒還欲君駐消魂一路多煙  
艸况復亂絲風絮誰爲主葭莢際彫胡但向漁人  
取流鶯未老且花臥浮丘月吟香瀨嬉爾小兒女  
王孫志一劍縱橫未許屠沽休說欺汝江山一  
任無人管自有幾雙鷗鷺君莫去還就我扶胥北  
岍題詩處低斟桂露待蘭畹編成玉杯書畢始問

庾關路

酒泉子

一片愁心消得幾多明月越羅露下不勝寒尚憑  
欄 棲烏與爾最相干夜夜爲儂啼苦白頭誰作  
故人看勸加餐

霜天曉角

鏡中人老鏡外人難好階下紫蘭紅蕙須教變長  
生艸 蝶香多在粉拾來和藥擣多取異花薰炙  
料得使朱顏保

又

飛飛榆莢片片連花葉欲買舊愁新恨頻移步風



前拾 拾來眉上貼勾引雙雙蝶多少碧桃紅杏  
不得上臙脂靨

江城子

脂水雙塘未褪紅藕花中有梧宮西子容光半作  
水芙蓉半作姑蘇臺上月如天上鏡照秋空

菩薩蠻

粧成未肯離明鏡嫌他鎮日含花影輕罩海人紗  
休令生片霞 鬢邊空戴葉免惹雙蝴蝶忘上口  
脂來菱花行又開

河瀆神

祠口對浮羅攀枝紅映江波女蠻春賽祝融多數

聲銅鼓相和 潮去潮來蘭槳便龍氣時時驚見

蜺箋魚籃朝散鬪歌風外難斷

露華

白牡丹

素粧淡淡喜絕代瓊姿皎皎難染路入庾關能見  
梅花無忝一枝不必姚黃已奪越孃光豔炎天熱  
瑤臺夜淡牖戶休掩 盈盈半壓朱檻正浣出天  
香珠露微點笑謝雒陽花佔國色長占向暖稍展  
攬揄更使玉人勻臉當影坐銜杯共對不厭

漁家傲

水仙

遠自姑蘇來藥市莖莖抽出凌波子六瓣冰開寒  
若水純黃蘂香中微帶人間膩 朶大梅花應不



似葉長只爲多泥滓月有精華都與爾清冷裏衣  
裳一一生霜氣

點絳唇

素馨花燈

忙殺珠娘未開已上花田渡鬢邊分取燈作玲瓏  
去人氣添香香在光多處天休曙熟花方吐朶  
朶成煙霧

臨江仙

燈花

香篆氤氳簾影內蘭缸正作重臺雙心合作一心  
開芙蓉無種春自火中來 光暗不將銀箸剔貪  
他再結仙胎殷勤拾取落花煤油污玉指小印定  
瓷杯

東風第一枝

桃花

宿雨初晴林煙尚溼舊花又吐新蕊儘他人面爭  
紅莫道豔粧未似露華凝滿是西峯明星漿水愛  
玉盞盛取芬馨暖處自成沈醉 將數朶笑分嬌  
子和葉葉半簪雲髻醜餘兒女嬌容更染細綾繡  
被黃鶯休掠令片片香沾泥滓向屋角更種多株  
灌溉恐煩鄉里

點絳唇

淡紅梅

背有微紅絳桃一半爲根蒂幼姿偏麗種得纔三  
歲山漏泄年光心吐香難制花雖細弄人多計不  
惜臙脂淚



怨三三三 鹿葱

三山巷口挈花籃只買安男朶朶凌朝喜半含髻  
鬢上可雙簪 休教鹿子來銜這萱艸根莖總甘  
好黛色重添和伊爭綠掩映江南

惜秋華 木芙蓉

莫拒秋霜任重臺獨瓣紅衣都染乍得露華新粧  
更添嬌豔凌晨已作酡顏醉滴滴天漿未厭堪念  
念芙蓉製裳湘纍得占 朶朶暮還歛待明朝醒  
解把薄脂重點恨水淺照不徹鏡雲微掩何人見  
爾關情折數枝寄來相賺那敢怕鴛鴦露棲葭菼  
五綵結同心 荅黃位北見餉姑蘇酒浸楊梅

包山始熟玄墓初垂炙得太湖全赤載向閭門去  
把三白一一和枝淡漬甜酸得酒皆成蜜隨十幅  
蒲帆為客玉顏好盡生紅暈絕勝夏時鮮食 炎  
洲荔支誰敵且莫教鬱水織綃人識更有蕭然白  
湘湖上香共紫萼莖摘燒春相伴方長命看歲歲  
丹砂容色愧滿盤火珠滴滴欲報瓊瑤無力 蕭然山名

在蕭山蕭山  
產白楊梅

錦帳春 檳榔

花發房中子生房外一顆顆來從瓊海帶花餐連  
葉嚼喜顏紅十倍臙脂能代 大把鹹分小將乾  
配儘兒女長盈繡袋汁須吞渣莫吐添香灰至再



餘甘還愛

長相思

落花

一枝低兩枝低黃鳥飛東蛺蝶西雙雙尚自啼  
朝煙迷暮煙迷紫燕銜時已作泥紛紛襯馬蹄

昭君怨

春恨天山難到心作漢家書艸萬里逐愁煙雁門  
邊不愛闕氏愛汝命薄未同翁主黃鵠莫思歸  
淚沾衣

琴調相思引

素馨花

笑擲金錢買幾升半穿瓔珞作珠燈一家纖手細  
細貫絲繩暮上翠鬟方吐蕊曉辭羅帳尚含冰

夢魂清絕多恐冷香凝

摸魚兒

與友人別

放蘭舟溯江西上渺茫求食何處天涯相見頻相  
別同作水邊風絮春欲去恨故苑鶯花總付煙和  
雨離情罷訴教夜半啼鶻聲聲向月為寫此愁苦  
思重會當在吳閭古渡吹簫城下應許英雄失  
路皆無策慚使浣紗憐汝君莫取鴻鵠在他時自  
有凌霄羽功名糞土且滿酌霜醪仍將漁釣共醉  
白蘋渚

拂霓裳

從西寧使君乞白鵬

愛瀧西美人為政鳳來棲閒客好幾羣飛傍訟堂



低雪衣稱白雉金尾笑山雞向清溪乞雙雙分我  
媚中閨 憐伊皎潔從不點落花泥香翅上分明  
黑白萬絲齊雌雄良友似出入小童攜置蘭畦縱  
開籠放去不曾迷

白鷗一名閑客即越裳所貢之白雉也

### 踏莎行

鸚鵡稱哥白鷗名客輕輕不把春纖拍更將花片  
餵相思銜書欲倩雙飛翼 身是珠孃生從香國  
珍禽一一皆相識春情最愛畫眉多郎歸好與甘  
蕉食

### 賣花聲

鷓鴣

兩兩對啼閒聲似人蠻多情喚得玉驄還何處春

淡行不得楚水吳山 南蕪向梅關苦竹叢間隨  
陽不似北禽寒銜葉未教霜露溼日映花斑

### 如夢令

孔雀

頂上三毛搖曳箇是舉山冠製徧體錦文圓妒殺  
畫堂珠翠無計無計大尾更須三歲

又

尾上金錢如許終日開屏勞汝只爲雨來時欲置  
珠毛無處飛去飛去合浦儘多高樹

### 紅娘子

丁髻娘

戴勝何曾重有髻方爲鳳身是丁娘心如閒客那  
堪雕籠喜長來玉鏡小臺邊與釵頭同夢 花朵



開黃茸人作芙蓉弄兩兩穿枝三三食藥何曾驚  
恐想纖纖飛燕掌中輕得似他翾動丁髻娘頂有黃茸毛開若蓮花

瑞鷓鴣

山雞錦翼許相同雙雙那肯嫁邊鴻欺汝南禽生  
長梅花裏日守蠻煙白一叢 梅花最愛梅銷嶺  
雌雄各占高峰空愁霜露霑衣望斷羅浮日蚤生  
東暖向平蕪喚玉驄

楊柳枝

小小珍禽似畫眉是相思釵頭偷立已多時未曾  
知 郎處不須紅豆子殷勤寄雙雙取得繫紅絲

到天涯

醉花陰

翡翠

雄縹雌青相掩映愛殺銀塘鏡日夕浣清波春羽  
秋毛箇是佳人命 珍珠一一皆穿竟無爾粧難  
靚點綴九鸞釵葉淡花濃要與春光競

齊天樂

比翼鳥

南禺有鳥皆稱鳳鷓鴣乃是蠻子碧樹交棲青衣  
兩比長喚歸飛難已時穿煙水與白練紅綃競餐  
花藥卻恨鴛鴦恁生多了一雙翅 雌雄誰得辯  
汝似迦陵共命鳥鼠同體暮不相思朝非獨寤伉  
儷人中無此閨人思苦倩好手邊鸞畫成遙寄鰈



也靈魚更圖三四尾

山海經比翼鳥名蠻

蝶戀花

題唐宮撲蝶圖

鳳子翩翾紛似雪  
畫扇低颺驚入淡淡葉  
博得君王開笑靨  
聞香忽復穿裙褶  
秦女乘鸞顛倒絕  
捉得黃鬚膩粉教輕捻  
收向鏡奩成媚蝶  
承恩好待華清月

柳含煙

柳

青青眼忍看人人  
別人離不管更將煙雨溼  
殘春與羅巾  
紅恨綠愁消欲盡  
枝上無多風信一相  
思作一垂絲斷腸時

醉落魄

飛花如許無多紫燕難銜  
汝春歸誰作嬋娟主  
願似游絲長絆郎風絮  
韶光誤盡因煙雨  
并刀已剪愁千縷  
情多恐化相思樹  
人可催歸會逐啼鶻去

漁家傲

白首夫妻雙打槳  
春來最喜西江漲  
日日鰕魚爭入網  
籠且養香稞欲換須官舫  
鷗鷺那分三與  
兩年年共在沙洲上  
白小紛紛君不讓  
飛蕩漾窺人豈爲梨花釀

一叢花

題西寧長春寺

灣頭錦石似天屏  
斜對寺門青  
人家盡在芙蓉瓣



恨蒼翠霑溼牕櫺花半未名禽多有姓鎮日共松  
亭天然生就白雲城萬嶂繞空冥春歸此地無  
人見儘花氣薰殺仙靈香雨漸消頻生皓月緩步  
過前汀

百字令

甲子元日試桃杯不以匏為之是魏里柯寓匏所貽

野亭春暖喜雨聲初歇鶯歌元日滿酌西王安壽  
酒正有千年仙核卻是笙匏天邊獨處星宿同無  
匹椒花盛取玉杯慚爾多質蚤共五色鉤連甘  
瓜子母碩大成秋實葉佐晨羞餐未厭忘卻盤無  
肥炙製就雙卮殷勤我友持作高堂物小兒方朔  
自今何用偷得

殢人嬌

生恨東風不解吹愁西去愁多半化為煙雨濛濛  
一片令春光無主誰便得消受乳鶯嬌語喚柳  
休眠教花莫舞但翠閣水沈千縷含情小坐更輕  
調琴句人寂寂芳醞暫教顏駐

畫堂春

天青染得一江青煙波雪後逾明片帆衝破白雲  
屏蕩漾鷗汀芳艸茫茫天際羅裙直接空冥看  
黃成綠是愁凝春色難勝

賀聖朝

休憎春色濃如酒縱醉人難久愁心攪亂任鶯聲



更絲絲垂柳 歌長歌短總催白髮但瑤琴在手  
飛花片片解相依到天涯猶有

虞美人

青山漸漸圍天盡 峽口春難認 渺茫煙樹帶漁邨  
愁見白雲紅葉 黃昏 沙鷗貼水隨波遠 吹笛  
教飛斷 炊煙欲溼雨來時 恨爾銜魚高下不曾知

感皇恩

煎香

熟結水沈同 煎安火細不取香煙 取香氣氤氳一  
縷不作巫雲蒼翠味生空裏令人醉 日暖尚薰  
夜淡難睡 四下風簾恐涼吹 鵝斑半燼 片片總畱  
芳蛻芥茶再浴 驚精在

揆春令

一春春暖似春寒 值炎洲多雪喜海棠開出枝枝  
鐵蚤催得芳菲節 曉風頻遣黃鶯舌 向愁人先  
說說 玉杯滿酌琵琶洲上沈醉娟娟月

漁歌子

開到棠梨不是花 鶯啼莫憶舊繁華 朝雨急暮風  
斜 春光催去去誰家

又

夾浦夭桃樹樹斜 一灣不見一灣花 雲帶岼水侵  
沙白鷗多處有人家

紗牕恨



蜘蛛會織難成匹枉多絲玉琴半露光如漆網經  
時 戒羅袖綠塵休拂任柳綿花片依依更使啼  
痕在似煙霏

海棠春

清簫未弄腸先絕正檻外朦朧初月露冷鴈聲沉  
水溼螢光滅 柳枝難作同心結但有絮紛紛似  
雪莫傷畫裙飛片片成蝴蝶

醉花間

花相識柳相識無限春顏色蕩漾酒船時費盡拋  
香力 將情交玉筴弄去聲聲逼天邊月莫圓畱  
待人圓夕

酒泉子

不恨啼鴿苦苦只催春去春來只是作愁陰冷難  
禁 生憎泥陷馬蹄淡盡是紫霞紅雪得歸香壘  
也甘心燕須尋

又

最恨蘼蕪消受羅裙雙帶影暖風吹去復吹來在  
蒼苔 踏青爭上越王臺蝴蝶不因朝雨散鷓鴣  
休爲夕陽催且徘徊

浣溪沙

欲使緋桃嫁碧桃瓶中交插兩枝高朝朝對取酌  
香醪 白髮不須求大藥紅顏自可解離騷并州



那有剪愁刀

又 桃溪

榕葉陰陰又木棉芭蕉黃映一溪煙人家半在峽  
門邊 蝦菜未殘三月市魚花爭上九春船愁同  
百丈盡情牽

點絳脣

分付東風卷愁西向秦天去甕頭香乳舊解貂衣  
處 那日花開持取歌金縷鞍難駐淚和紅雨半  
溼關門樹

又

看殺春山翠眉何必長如許黛邊煙雨莫使人描

取 掩映高樓花缺偏窺汝斑枝樹令栽無數遮  
盡芙蓉路

小桃紅

不怨春光去不望春光住只願愁人一年一度與  
花相遇縱青霜白雪總盈頭也爲鶯燕主 花作  
誰家絮鶯作誰家語化蝶韓妻乘鸞秦女總歸塵  
土且安排紅酒紫金杯聽玉兒低訴

漁家傲

觀邊女調神

割肉如山生啖取黃羊不及青竿飮腹飽還須多  
飲乳廬帳裏羶風吹起沙如雨 兩兩調神蒙古  
女花冠對插山雞羽大漢將軍香火主歌且舞威



靈莫把蕃兒怒

荷葉杯

獨酌

圖取玉顏酡甚多飲吹醒畏東風桃花要與爾相  
同紅麼紅紅麼紅

又

春日春人惟有春酒朶朶照瓊杯山茶花被海棠  
催開麼開開麼開

傷情怨

枝間紅淚漸少喜杜鵑開了收拾春心休從花內  
老憐他梅子尚小打乳鶯一一難到入口先酸  
青黃愁未蚤

賀聖朝

巫山一望堪愁絕况蒼蒼煙月三聲猿嘯一聲流  
淚兩聲流血瞿塘纜上那知白髮已氾氾如雪  
多因神女氤氳香雨無端相接

酒泉子

三原元夕

鄭國渠邊寶馬亂嘶秦月滿城燈掛白楊枝上元  
時彈箏打碟響參差曲曲口西關外邊聲多半  
是相思少人知

又

猶記踏青煙煖三原春正豔喜涇陽人盡至又頻  
陽二城南北花相向總是姑蘇樣眼紗不戴香



韉上任端相

番女八拍

彎弓爭落海東青插雙翎香貂帽子魚皮女兩兩  
馳過粟末城 羊酥多食復駝羹玉肌腥春寒擬  
坐溫湯去笑擁闕氏向盛京

南鄉子

琵琶尾鳳凰頭相逢識是柳城舟雙雙桂檝搖纖  
玉沙鷗逐思得湔裙香水浴

首二句言舟形也

臨江仙

前鏡那知儂影好憐人更有菱花胭脂忘作臉邊  
霞春來無力日日髻鬟斜 不使香貂爲抹額天

寒尚束輕紗海棠簪罷又山茶恨伊雙燕銜去向  
西家

醉春風

友人餉金陵雪酒

春色如肴黛筍成香可愛梅花三白總將來賽賽  
賽花裏封泥柳邊開甕客愁全解 嘆爾情如海  
紅友頻相賚可能移得惠山泉再再再頻使溪翁  
玉杯長滿玉顏長在

減字木蘭花

梨花未絕朶朶沾泥猶是雪欲嫁東風自有蠶媒  
送落紅 連朝煙雨一見春光都欲語酌酒庭前  
忍舍鶯聲去晝眠



天仙子

雙鬢但將蝴蝶賽露花油好嫌香大吳閫學得牡  
丹頭釵不戴珠不愛只有一枝蘭作態

又

自織纖纖嬌女葛霏霏蟬翼同輕滑裁爲夫婿夏  
時衣風莫縐汗莫透管取清涼長似舊

搗練子

春欲去去天涯片片殘紅似落霞蝴蝶飛過蝴蝶  
艸鷓鴣啼上鷓鴣花

謁金門

望廬山

煙水外染得一天螺黛欲雨山腰先作帶瀑泉添

幾派 春色氤氳長在一片霎成雲海點點芙蓉  
看漸大欲從天際采

巫山一段雲

片片瑤姬影飛來最有情朝朝暮暮不分明愁與  
夢魂疑 雲溼疑行雨峰開似列屏髻鬟染得一  
天青一朶一仙靈

蘇幕遮

題盤齋

虎頭雲獅口水風捲虛無飛入疎簾裏古木陰陰  
涼不已無數蟬嘶又逐格聲起 蕩成花萼有子  
多種丫蘭分我莖莖紫肝臙還教甜到尾抱甕相  
從我亦忘機矣



如夢令

一夕恩情似夢臂上猶書嬌鳳忻口再來時天曙  
更無人送鶯呀鶯呀費盡春聲何用

又

荅龔柴丈見懷

五畝清涼山下人買煙霞無價解帶竹風吹書卷  
半拋花架多暇多暇爲我更圖嵩峯

江城子

春魂如雨復如煙暗吹斷落天邊無情花片相逐  
又明年人笑海棠消瘦盡明鏡好尚相憐軟同  
人柳只多眠怕啼鴉到簾前愁壓春山不使黛雲  
妍枕篔爲誰寒欲絕教寶鴨斷沈酸

掃花遊

題蒲衣子深廬

柳塘蕩漾正片片寒鷗亂紅爭浴問誰水曲把秦  
人洞穴影藏淡竹白犬黃雞亦愛漁郎信宿雨新  
足喜灌溉稍閒能把書讀山翠低染屋恁耐得  
青青十着春綠傍簷種菊漸參差逗出數峰麋鹿  
玉甕霞浮儘爾神仙厚祿過幽谷聽鶯聲又兼絲  
肉

念奴嬌

追和龔蘅圃喜予  
移家白門之作

昔年浮宅向金陵曾住莫愁湖口最是鍾山黃紫  
色未遣蓬牕辜負上岍牽舟傍橋作屋兒女同魚  
鬻殷勤公子笑饋鶯邊春酒更將畫舸相迎秦



淮人至新曲歌紅藕正值燈船簫鼓起廿四航間  
如晝徹夜邀歡天明忽隔庾嶺梅花口相思長在  
汝南無數煙柳白門有汝南灣

清平樂

海棠絲短不遣風吹斷一朶依然紅玉軟畱與粧  
樓寄遠楊花未作浮萍枝間交映青青拾絮殷  
勤作枕郎歸定愛芬馨

洞仙歌

贈潘季子花燭

開年幾日喜蠻花香雜未盡春寒尚重恰正佳期  
十五明月團圓初一度蟾兔陰陽相合小玉郎題  
賦罷盼睽雙星冉冉仙人下雲閣自有板橋長靈

你環繞絳河三匝問七夕何如土元時有

張燈火花煙蠟

潘娶板橋

天淨沙

塞上

沙如亂雪飛來風吹忽作龍堆塞水橫衝不開馬  
蹄溪陷一鞭飛上平臺

又

桑乾濁似黃河冰開難飲明駝滑滑春泥苦多鹵  
兒呼渡雌雄兩兩吹螺海螺有雌雄其聲各別

又

關門一綫浮圖黃雲半塞飛狐雪盡鶯花未蘇駱  
駝鞍煖春宵臥過盧奴



又  
千山已作邊牆長城更與天長一望教人斷腸紫  
荆關外茫茫只有牛羊

又  
天寒雉兔偏多揮鞭躍度洋河一箭雙穿鴛鴦肉  
鷹饑汝鞍邊割肉峨峨

又

天明已飯黃羊笳聲催上辭鄉淚落還因夕陽蔚  
州煤好春寒可代表衣裳

辭鄉嶺名

又

盤山下見盧龍三盤始上三峰欲去依依暮鐘可

憐明月秋來只照邊烽

又

居庸一口容人開門誰揖黃巾虎豹何曾苦辛黑  
裕林裏無勞間道通秦

春從天上來

壽制府大司馬吳公

幾載炎方總兩粵諸侯師保堂堂袞衣開府彤矢  
安疆五星井宿光芒笑漢時大長踰百歲魑結稱  
王我君公但南交虎拜東海鷹揚長隨麗空雙  
曜作守日黃人出入扶桑沐浴精華卿雲葩爛更  
多倬彼文章寫五臣謨訓和騷雅傳與旂常養羣  
賢看天衢輿衛雷雨同行



訴衷情

小妓

開唇只唱月兒高未熟小櫻桃雛鶯身似琵琶短  
短繡花袍能勸客白酥醪綠葡萄蛾眉教畫鳥  
爪教搔莫弄檀槽

玉蝴蝶

雲客高子得水巖石一片大如掌許鋸分之狀  
如蝶翅左右有斑點十三四背有六七如鴿鴝  
眼碧綠相暈高子愛之將以爲異時飈輪而御  
太虛屬同人調玉蝴蝶詞

蝴蝶粉鷓鴣斑凍凝雙玉間知是漆園閒翩翩夢  
未還化煙碧連花白風影欲雙鸞看爾當鸚鵡

竝飛誰可攀

比翼鳥一名鸚鵡

阮郎歸

春來莫使杜鵑知杜鵑花已飛海棠更是淚紅時  
片片付游絲琴不弄酒空持愁心盡在着裙邊  
蛺蝶怕風吹房簾深自垂

散天花

浪花

吹作芙蓉上下飛天邊纖手散是江妃風爲根蒂  
水爲枝天然冰朶幻出漣漪舞入雲中不用衣  
沙鷗驚復下欲銜時依依不忍別斜暉爲伊春不  
用自芳菲

青玉案

題王蒲衣無題百詠



瑯琊大道風流在苦春思如煙海筆似辛夷初發  
蓄玉臺神麗香奩幽豔珍爾芳年待大珠孕就  
三千琲一一脣邊少人采不嫁朱顏光更倍繞庭  
鸞鶴滿身蘭芷生如勞眞宰

一斛珠

題林文木擘畫看竹圖

蕭疎翠竹美人手爪時相觸枝枝葉葉如新沐寫  
向鶯綾看盡瀟湘綠水綃細摺爲春服針神更  
使人如玉絲絲難繡文章腹腹裏流光照映篔簹  
谷

訴衷情近

西寧山中

野煙霽處掩映茆茨乍見家家水碓春香一一山

籃采笄愁是畫眉催起深淺蠻粧總把山花襯  
山鷓近最喜搖歌靜引數聲林外啼得春情盡穿  
枯粉髻娘扇起雙飛欲射珠毛誰忍但抱無端恨

雨中花慢

越王臺懷古

雁翅三城龍荒十郡秋來不減邊沙恨牛羊有地  
雞犬無家雖少諸軍浴鐵還餘幾隊吹笳朝臺試  
望天似穹廬直接京華趙佗箕踞南武稱雄遺  
墟問取棲鴉誰得似斑駁漢使才藻紛葩湯沐千  
年錦石文章五嶺梅花綵絲女子爭看旌節色映  
朝霞

行香子

漁歌



第一魚鯨第二魚魴第三魚是馬膏鯢潮鹹潮淡  
一任漁郎喜春風來黃花短白花長 江水魚香  
魚子滋陽大曾船滿載鹽霜瓜公瓜姥兩兩開洋  
夏鱗魚寒鱸魚熱鱠皆良 黃花白  
花魚名  
慶春宮 過樓桑村和宋長白  
葉作重樓枝爲華葆一桑實兆飛龍宗社重興高  
光再食三分已有成功能存正統益州小豐沛可  
同君臣齊力千里偏安與賊爭雄 天教季漢匆  
匆難起隆中易復關中二表三書春秋相翼血誠  
總貫長虹我來瞻拜思燕涿還生我公南陽耕罷  
那得風雲慘淡西東

傳言玉女

巫峽

棹下瞿唐忽見滿天蒼翠玉姬纖手疊煙螺十二  
魂夢未冷作雨今還香膩君臣非惑仙靈多媚  
二暮三朝已黃牛又白帝却看娟妙若明霞水際  
胭脂水傾半染楚妃衣袂香溪微飲使人如醉

鳳簫吟

綠珠

白州山煙明雨媚梁家秀出飛瓊宅邊香井水綠  
珠多飲作弄笛仙靈遠歸雙笛好是茵于傳得奇  
聲向細犢車中響飛散滿瑤京 粧成懶縫絲布  
懊儂新曲吹徹青冥曲多餘十五石家教弟子宋  
鞞知名漢妃時妙舞笑翻風難鬪身輕喜不負鮮



葩一墜千載芬馨

遠歸綠珠笛名茵于神女名從空中教綠珠吹笛者

萬年歡

為百有五歲梁淳儒翁壽

綠髓青瞳豪看華髮八公推爾年尊膝下公沙龍  
子一一多孫一百春秋又五奇齡好天與東園東  
方妾大小鴛鴦蚌胎新產珠媛凝脂滑膚作枕  
與辟寒燕玉日夜春溫玉女明星漿水兩乳香噴  
不使張蒼齒落多飲取孩笑同喧茶枝杖扶過花  
村壽星人喜臨門

燕歸梁

幾片春光燕嘴邊紅溼露啼鮮海棠絲短也相牽  
殘夢後斷魂前粉餘飛雪香消沈水無計更畱

仙東風好送向花田蘭麝土早成煙

江南春

花已攪柳還牽荷絲縈一縷荷葉疊千錢苦心成  
藕悲蓮子蓮子成時郎不憐

山花子

杜鵑

血灑春山盡作花花殘人影未還家聲聲只是為  
天涯有限朱樓當鳳闕無窮青塚在龍沙催歸  
不得恨琵琶

桂枝香

賀梁太史給假南還

才人得志喜錦繡晝還秋氣晴爽鳳閣鸞臺第一  
紫微初掌炎方休沐承恩返駐吳帆玉人同上鏡



中花吐簾間月墮助君娛賞  
笑未老珠生滿蚌  
更方朔金門細君三兩富貴神仙總得有何遐想  
文章百卷雖塵垢喜高名日月皆仰鑄堯陶舜祗  
須糠粃藐姑誰讓

春從天上來

為前制府大司馬吳公壽

梅萼爭紅向亞相生朝開徧春叢凍含香雪晴弄  
和風綠毛鳳子相從正袞衣清暇罷節鉞洗沐佗  
宮恐京歸願朝廷更假三載居東 公如古公天  
壽得白兔雙丸綠髓青瞳好德康寧年過著艾未  
來耆造無窮作萬民師保將雅頌盡變蠻中更歌  
風俾聖人膏馥霑丐童蒙

柳梢青

綠艸萋萋一春愁望祗在花溪北地香魂南朝碧  
血總付鵲啼 征人一騎遼西共誰宿黃駝白羝  
朝逐風笳暮歸冰窖可念深閨

一斛珠

媚兒開袖芙蓉花出櫻桃口多生定念蓮經否欲  
吐芳香輒自含辭久 荷葉不離雙玉手朝朝暮  
暮來擎酒半酣方肯歌紅豆不信嬌鶯似爾春聲

溜

歐陽文忠公有姬姓盧名媚兒姿貌端秀口中  
作芙蓉花香有蜀僧曰此人前身為尼誦法華

經二  
十年

又



海裳絲短輸他楊柳絲難斷流鶯繫得枝枝滿莫  
只貪眠不耐腰身軟 花絮無情風自亂看痕一  
任春深淺生憎一樹含煙煖每共芭蕉片片心舒  
卷

又 乞某子作書

古肥今瘦三真六艸多仙授銀鉤蠶尾人爭購一  
幅鵝溪爲寫蘭亭就 筆虎而今誰怒手天門龍  
跳爭馳驟墨濤翻處蛟螭鬪更乞驚鸞字字教如  
斗

鳳樓吟

贈李孝先新婚

壻和翁冰清玉潤翩翩麗藻還同最嬌梅福女月

華才貌正喜早乘龍恰當春禊候浴桃花持贈蘭  
紅作好會鷓鷃碧簫響徹煙空 香風畫樓吹處  
錦箋斑管分賦匆匆一雙如絳樹一聲歌兩曲莫  
辨雌雄鳳皇飛復止小比肩長日房櫳與沈氏青  
箱愛子金粟連叢

山亭宴

禊餘上巳過三日正清明棟花堪摘知是幾番風  
乍寒暖春醪少力杜鵑啼得杜鵑開淚紅處榴裙  
無色辛苦汝流鶯拾不盡儂香魄 裊空半逐遊  
絲入又吹散蝶黃蝶白儘意莽芳菲做慘淡煙乾  
雨濕新時爭似故時憐此一度倍生悽惻情去枉



畱仙綵履那能執

垂楊

暮春客鳳城假寓黃氏池亭有作

芳春欲杪漸荔枝吐藥木棉殘了細雨含煙未成  
流水滂沱小甘溪遣送清泉皎主人雅玉缸分到  
潑茶香寒坐枯間對鳳山娟妙聞說鱗魚夏早  
已三五蛋郎竹竿輕嫋喜住灘頭不愁紅頰櫻桃  
少花醪況是茶蘼造任酣暢鶯聲四繞流連忘却  
歸舟情太好





